



9

1 2 3 4 5 6 7 8 9

210

1 2 3 4 5 6 7 8 9

210

L40-4614



B 64853

佛說慧印三昧經

吳月支國優婆塞支謙譯

聞如是一時佛在羅閱祇者闍崛山中與摩訶比丘  
僧千二百五十比丘俱菩薩有三十億人皆逮得陀  
隣尼悉得諸三昧皆逮得空法皆得寂無相法悉逮  
得不動搖願悉逮得無所著陀隣尼行得無央數陀  
隣尼門佛爾時便三昧三摩越霍然無色不可見不  
可獲如虛空不可知無所住不可得無吾無作亦無  
來亦無去亦非住亦非止亦非偶亦非不偶亦非  
亦非憂亦非喜亦非心亦非不隨心亦非

不有是語空亦非著佛爾時

作是三昧三昧

見佛身亦不可得想佛身佛心意亦不可得想不

中衣外衣及與坐亦不見經行亦非聲爾時三昧或

神照三千大千日月於是三千大千佛刹諸日月光

明皆爲覆蔽不見諸摩尼寶諸踰瑱寶諸天及天坐

諸釋梵所有名香悉爲其歇是皆三昧威神力之所

蔽隱三千大千刹土但聞是三昧香照於諸佛刹其

中人民眼不爲遮迦和摩訶遮迦和及須彌山諸黑

山之所覆蔽爾時便有七寶交露覆蓋三千大千刹

土一切諸佛刹及與竹園耆闍崛山若干種華悉偏

布滿其地悉平等地爲生蓮華其華大如車輪一華  
者有十萬葉其華上悉有七寶蓋摩竭提國界地悉  
爲柔軟如天綻綻有東方恒邊沙佛等遺無央數一  
生補處菩薩令到沙呵樓陀刹土有多呵竭阿羅呵  
三藐三佛名爲釋迦文今現在一切諸佛境界深入  
多呵竭慧印三昧三摩越若有菩薩積累功德奉行  
六波羅蜜百劫除優惄拘舍羅不如一時聞是三昧  
諸菩薩卽受其佛教持神足飛到竹園中前爲佛作  
禮皆却坐蓮華上如是南方恒邊沙佛等亦復遺無  
央數菩薩西方北方東南方西南方西北方東北方

1 2 3 4 5 6 7 8 9 20 1 2 3 4 5 6 7 8 9 20

1 2 3 4 5 6 7 8 9 20 1 2 3 4 5 6 7 8 9 20

上方下方如是恒邊沙諸佛等各復遣無央數一生  
補處菩薩令到沙呵樓陀刹有多呵竭阿羅呵三藐  
三佛名爲釋迦文今現在一切諸佛境界深入多呵  
竭慧印三昧三摩越若有菩薩積累功德奉行六波  
羅蜜百劫除優惄拘舍羅不如一時聞是三昧諸菩  
薩卽受其佛教持神足飛到竹園中前爲佛作禮皆  
却坐蓮華上爾時於是三千大千刹土諸比丘僧及  
諸菩薩所在遠方皆來會於竹園在於佛前爾時無  
央數菩薩及三十億比丘菩薩皆來會於竹園用是  
三昧威神故於是三千大千刹土諸釋梵諸摩夷巨  
天諸偏淨天一切諸龍王諸鬼神王諸捷陀羅王諸  
阿須倫王諸迦留羅王諸真陀羅王諸摩休勒王是  
諸王皆各從無央數官屬來到佛所前爲佛作禮却  
住一面爾時於是三千大千刹土諸天及人非人從  
下至上至二十八天中無空缺皆悉遍滿尊弟子舍利  
弗羅摩訶目迦蘭拘提迦旃延邠耨文陀尼佛羅等  
卽到文殊師利前問文殊師利言佛向者三昧三摩  
越今皆不見不知所至到處願爲吾等說之文殊師  
利答舍利弗羅言仁者智慧而具足何以不各各自  
三昧共推索無央數佛刹知佛身何如行卽時舍利

0123456789

20123456789

20123456789

弗羅等各各自三昧共推索無央數佛刹了不見佛身亦不知所至到處舍利弗羅等卽從三昧起復前問文殊師利言吾等已各各三昧推索無央數佛刹亦不見佛身亦不知所湊願欲聞知惟爲說之文殊師利言賢者舍利弗羅等不知佛所至到處者悉且安坐佛須臾頃自當來還爾時佛從慧印三昧起便動三千大千佛刹舍利弗羅等便前白佛言佛住何三昧吾等以智慧眼推索佛了無有能知其處者佛語舍利弗羅言佛所至到處非若呵羅漢辟支佛等所可知獨佛自知之耳所以者何無念不動不搖故

舍利弗羅佛身有百六十二事難可得知何等百六十二事非身無作無起無滅未常有無有比亦無所比亦無行亦無所至不可知亦無習一切淨無所有亦不有亦不行亦不住亦非生亦非受亦非聞亦非見亦非香亦非味亦非細滑亦非往啓亦無還答亦非啓答亦非心亦非念亦非心念離於心心等心無等無所與無來無去亦非潤亦非澤淨不復有亦非恐亦非懼亦非動亦非搖亦無造亦無成亦非滿亦非不滿亦非見亦非明亦非不明亦非冥亦非不冥亦非滅已離滅於滅中淨復淨清淨於色無所有無

愛欲一切非我離於非我住無所住亦無處亦無從亦非無從亦非法亦非不法亦非福田亦非不福田亦不盡亦不可盡無所有遠離於字遠離於響遠離於教遠離於行遠離於念亦非偶亦非不偶亦非量亦非不量亦非來亦非去亦非雙亦非不雙亦非猗亦非不猗亦非相亦非不相無有相能現相無諸入亦非著離諸著一切人令得信不受入住於諦諦復諦一切人非我度無所度淨無所淨度厄難爲無所度所說不說二無所等於等無所等無量等與空等無處等無生等不可得等所安無所安

寂復寂寂中明復明於行無轉能轉行一切斷諸所著諸法諦無有二從本來無所有所覺者已諦覺已度於一切行行所度無所度亦非是亦非不是亦非長亦非短亦非圓亦非方亦非身亦非體亦非入亦無所入亦非世亦非世所有亦未曾見者亦未曾有知者亦非去亦非不去亦非世因緣亦非不世因緣如是身不可獲亦非有亦非無亦無有去亦無有來亦不念亦非憂亦非作亦非不作亦非淨亦非不淨亦非泥洹亦非不泥洹亦非行亦非不行是爲百六十二事佛告舍利弗羅言佛身如是欲想視佛身無

1 2 3 4 5 6 7 8 9

20

1 2 3 4 5 6 7 8 9

20

經

佛說法華經三昧無

五

有能見者所以者何佛身不可以想見知佛爾時欲曠大慧印三昧於十方便說偈言

是身亦非身 於身已度脫 亦無作無有  
懷亦無所得 一切諸法非 雙亦非不雙

欲見諸佛身 所處皆如是 不是非不是  
非憂非不憂 不取亦不放 不等亦不長

不樂亦不住 一切無從生 佛身已如是  
便能致安隱 亦無作不可 獲空無有想

亦非色心無 有我亦非一 於受無所受

於有無所有 一切諸正覺 其身諦如是

不剛亦不弱 無瑕亦無穢 不斷亦不連  
不有亦不壞 亦無所得於 多少無所亡

欲見諸佛身 一切無塵垢 不見亦不聞  
非香無細滑 不知亦不動 譬之若如影

住形於一切 晓諸著人心 佛已成其身  
一切名如是 非身亦非體 非等亦非諦

非淨非不淨 諸根無所有 不藏非不藏  
譬如水中月 欲見諸佛身 一切悉如是

身復與身從 因緣本自然 不生亦不滅  
無來亦無往 不見於三界 然現若如幻

欲見諸佛身 不動亦不搖 非聲亦非諍  
 非默亦非寂 非獲未常有 不有亦無彼  
 譬若虛空本 自然無所有 見佛已如是  
 畫夜當供養 一切及十方 億千諸佛刹  
 上至廿八天 滿中諸珍寶 悉以供養佛  
 乃至無數劫 不如書是經 其福出彼上  
 譬如恒邊沙 復倍無數劫 展轉於其中  
 常等行慈心 不如曉了慧 解是印三昧  
 如是無數戒 其德過彼上 若在五道中  
 展轉無數劫 如是若干劫 一切悉能忍

不如一時慧 解是印三昧 其福如芥子  
 在於須彌邊 若人在三界 生已便長大  
 一切悉載之 能忍無數劫 其身不以勞  
 不用作勤劇 如是悉能忍 不如解三昧  
 譬人生悉遍 復多於劫數 其百劫中沙  
 一切以爲數 不如晝夜仂 行是印三昧  
 十六其福欲譬之 不可以比慧 其如是智者  
 常與行相隨 於無數劫中 譬之如一塵  
 能諦曉了是 慧印三昧者 其福欲譬之  
 若海取一滴 莫特色相好 想視欲見佛

卷

佛說法華經疏

卷二

卷二

莫如著有者 欲見多呵竭 如須菩提所  
見者爲見佛 見佛已如是 一切無三千

如是舍利弗羅多呵竭慧印三昧諸菩薩摩訶薩於  
十方無所罣礙悉使願欲見諸佛當內至意晝夜行  
是三昧便見一切十方諸菩薩無央數行三昧門住  
無所罣礙法是爲陀隣尼所倚門從是中成其相從  
是中成其好如是行者諸罪蓋悉得除諸魔事悉已  
過佛所說皆審諦佛所住及所語無空缺悉具足身  
所行無瑕穢意所行淨無垢若欲曉佛所行欲解了  
一切人意令各得其所欲起願成其佛刹者當行是

三昧欲得佛頂中光明者欲起比丘僧者欲莊嚴其  
刹土者自在所欲作所欲行當奉行是三昧所以者  
何譬如一切藥樹在所求索悉具足是三昧亦如是  
菩薩於是三昧中所求索亦悉具足佛爾時便說偈  
言

無上慧爲慧王	慧能散諸欲著
是尊慧入慧門	是印經無量慧
知根行住智地	智無礙智去冥
智消著智說法	經如日照三界
當等行於三昧	一切著諦所斷

諸三昧慧印持

諸佛者等是種

欲得寶度無極

願福相福神足

志所願從是得

是三昧諸佛樂

王樂國及臣下

寶無上寶如來

姪怒垢悉消除

寶三昧說是經

從我學恭敬意

持清淨除吾我

勇猛慧壞生死

持諦法得三昧

慧能說所當說

持是慧智能多

慧能放光明遍

是經者慧之門

等能降盡吾我

六十二諸所疑

到佛門無恐懼

便從是相好具

三尊中佛爲尊

獨能說七覺意

爲懈怠示現法

是三昧不可盡

一切法當廣說

入無底陀隣尼

持是法入十方

陀隣尼譬如海

於是中成施與

戒忍辱及精進

禪智慧不可盡

住是經成無極

莫恐懼於罪垢

及諸魔與惡道

行三昧無能害

如所願得爲佛

菩薩住於是法

以十方爲明證

經

佛說華嚴三昧經

九

其來者索法器 持是經得法住

過去佛經是母 當來者亦從是

現在佛從是出 行是者爲佛子

罪垢除行不轉 過第七住法去

其有住是經者 便具足諸佛寶

說是法時三十恒邊沙等諸菩薩皆得是三昧六十八那術菩薩諸罪蓋皆除悉住阿惟越致皆得不可盡陀隣尼所入聲六十億天與人從本已來未嘗起菩薩意今皆發阿耨多羅三藐三菩提心聞是三昧皆悉願樂願樂已後便住阿惟越致地當爲阿耨多羅三藐三菩提佛爾時便授其決却後三十億百千劫皆當爲佛號名離於恐怖諸菩薩各自起願便得無所從生法忍然後於其刹土悉得爲佛皆同一字佛爾時遍視衆會告文殊師利言以是故文殊師利菩薩欲護我法者當作無所著住當悔當持當廣說之常當清淨獨處不當有所倚文殊師利便從座起正衣服以頭面著地爲佛作禮白佛言我能忍護無所著法於菩薩道無吾無我不有亦未常有不見亦不聞不得亦不亡爾時衆會中三十億菩薩皆叉手起住白佛言我等能忍是無數阿僧祇劫擁護菩薩

經  
卷之三  
佛說法華經疏

十一

行諸菩薩各以身上衣供養佛便卽起願佛語彌勒菩薩言念若本所願行於後當持是法於是三十億菩薩中八千菩薩能持是法耳其餘菩薩者皆剛強不能持法於後皆當亂我法亦不悔亦不持彌勒有七事起菩薩意何等爲七事一者起菩薩意二者法欲盡時護法使不盡起菩薩意三者爲十方人非人起哀發菩薩意四者見菩薩便起菩薩意五者施與起菩薩意六者見他人起菩薩意便效起菩薩意七者聞佛身有三十二相端正人向讚歎便起菩薩意彌勒是爲七事其可起多呵竭菩薩意其護法使不盡其哀十方人非人起菩薩意是三昧輩能護菩薩意疾得阿惟越致其四輩起菩薩意者皆爲剛強菩薩佛語彌勒菩薩有五法住疾得阿惟越致何等爲五法一者等心於十方人非人二者無所適莫於他人財寶二者其有說經法者沒命從後終不說其惡四者其有供養衣被若床卧具病瘦醫藥所當得者適無所慕五者深入微妙法中是爲五法菩薩住知是阿惟越致菩薩相復有五法菩薩住爲剛強何等爲五法一者面目無好色二者所作皆怯弱三者慳貪四者諛謔五者口但道空是爲五法住菩薩剛強

經  
佛說法華經卷第十三

二

相也復有五法菩薩住知是阿惟越致法何等爲五  
法一者無我二者無人三者不處法有二四者不著  
於菩薩五者不持想視佛是爲菩薩五法住疾得阿  
惟越致佛爾時便說偈言

不當貢高	及與嫉妬	妄造非說
索人長短	亦非口語	及與怯弱
如是曹人	不能護法	若有行者
在於空閑	能忍微妙	不但口言
譬如若如犀	常樂獨處	如是曹輩
能護後法	常喜獨處	樂於清淨

譬如怖禽	樂在深山	不樂供養
譬如虛空	如是人者	能護尊法
朽葉軀體	反與壽命	何況世間
所有珍寶	彷行精進	於無所著
如是法器	能護後世	於後末世
當有是人	當自說言	我菩薩行
志意迷亂	著於世間	不能奉行
護於明法	我念宿命	提憇竭佛
過於爾時	八十億劫	爾時有佛
號爲光明	爲一切人	說是三昧

經

佛說華嚴經三身經

地

## 第一大會

八十那術

## 第二會六

十七那術

## 第三會七

十三那術

皆悉逮得

阿惟越致

其佛壽命

住三十億

項中光明

七十由旬

比丘僧數

九十九億

逮得自在

皆阿羅漢

爾時有王

典領人民

名爲慧上

是遮迦越

爾時縱廣

閻浮利地

其里數計

二萬由旬

四天其數

皆悉如是

王有妓女

六十億人

其子千人

皆悉具足

其國土名

極樂無厭

王治諸國

二萬郡縣

國中人民

各有戲園

常樂安隱

五穀自然

譬如天上

無所不有

爾時尊王

於夢中聞

有佛於世

名爲光明

從寤卽起

便到佛所

從諸臣下

六十億乘

爾時從佛

聞是尊經

微妙三昧

諸佛奧藏

便以諸國

奉上與佛

所當供養

無所乏少

一切諸國

爲佛供養

立起講堂

用栴檀香

經

佛說三昧

三

大

一切講堂	其人供養	所可經行
金薄布地	具足於八	萬四千歲
不起王事	但供於佛	不樂睡卧
勤仂事尊	亦不起俗	無愛於國
設使有人	說王功德	日日說之
不能究竟	所可供佛	不可稱數
所以者何	希望三昧	便卽獨處
內自思惟	今是三昧	甚深微妙
今我不可	在於飲食	欲得希望
成是三昧	卽便棄國	剃去鬚髮
因入深山	受行正戒	於三千歲
無有休息	行是三昧	未嘗睡卧
佛天中天	中間所道	所可說法
皆悉啓受	其光明佛	般泥曰後
國縣起塔	六十四億	諸塔供養
各五百蓋	七寶交露	及與香華
諸天繒綵	及與帳幔	挂樹燈火
各有八千	約省飲食	以爲節度
積累其數	八十萬歲	爲一切人
說印三昧	未曾從人	有所希望

經

佛說法華經卷第

廿

大

若人讚歎	不用爲喜	何況於世
當有愛欲	若有請者	意常遠離
至心內行	常護後法	七十那術
與八十億	於是數中	世世逢佛
如是計數	供養無極	常遇明法
得是三昧	若有起意	護菩薩行
其欲學者	當如我學	不畜財寶
欲解微妙	內行至意	無有虛飾
後來世人	當自說言	我所作業
是菩薩行	欲得供養	非求法者
住在有中	言一切空	亦不曉空
何所是空	內意不除	所行非法
口但說空	是劫得佛	說菩薩行
我無所疑	時王慧上	阿彌陀是
爾時千子	是劫得佛	今大衆會
於我前者	時皆棄家	悉爲比丘
我念宿命	無數佛時	住於名字
常作沙門	佛所說經	皆悉諷誦
奉行空事	倚在有中	如是作行
不可稱數	持想倚住	供養諸佛

總一  
佛說善見三昧經

卷一

大英

供養如是

不得慧行

轉意作行

便向慧門

却後與提

憇竭佛會

斷吾狐疑

便見平等

爾時封拜

得諦要決

當於後世

人中爲佛

爾時洴沙王第一夫人名爲跋陀斯利阿闍世之母也亘那臘者拘隣之女也洴沙王第一夫人跋陀斯利便從座起前到佛所爲佛作禮以雜綵珠衣及五百七寶華蓋供養於佛便自說言我於後世來當解是三昧其有持法者比丘比丘尼優婆塞優婆夷當擁護之衣被飲食牀卧具病瘦醫藥教一切人發苦

薩意不誹謗於空法不但口說空朽身不惜壽命何況世間所有爾時洴沙王宮中八千妓女及摩竭提國中六萬優婆夷聞是三昧皆發菩提意皆悉願樂是三昧然其後世皆當持是法佛爾時便笑放若干種光明色色各異從口中出青黃赤白遍照無央數佛刹皆覆蔽日月光明還遶身三匝便從頂上霍然不見爾時跋陀斯利便於佛前讚歎佛而說偈言

一 在人中無有上

於行中無所等

今三界無有比

佛威神如盛華

若飛鳥在虛空

若欲笑一切可

經

佛說法華經卷第十一

三

本末

所可說皆柔軟

悉飽滿於十方

口所說如蓮華

人中上悉與眼

今所說無不可

聲軟好如梵天

今佛笑當何感

佛爾時爲洴沙王夫人跋陀斯利亘那臘說偈言

我自念無央 數恒邊沙劫 尔時於世有

佛名爲福明 教授世間住 壽六十七劫

爾時法王衆 僧復無央數 時有遮迦越

王名爲慧剛 王有兩夫人 一名爲月明

於欲無所索 諸法無所著 棄家行學道

一億歲護法 如是不可計 於無數諸佛

法欲盡時生 彼護於後法 然後末世世

恒邊沙佛等 當復於彼處 生護於後法

遮迦越慧剛 王於阿閦佛 與諸夫人數

共生於彼國 悉已護法壽 終後爲男子

生須呵摩提 見阿彌陀佛 八千姝女及

摩竭優婆夷 若法欲盡時 常當護佛法

壽終後皆得 卅二相如佛 坐於蓮華到

阿彌陀佛前 是諸姝女供 養當如慧王

然於後來劫 一切無愛欲 便於後來劫

一劫當爲佛 教授諸天人 爲其說正法  
 於時佛刹中 亦無有魔事 其刹無愛欲  
 亦無三惡道 常以無央數 諸菩薩爲僧  
 亦不聞道有 阿羅漢之名 若有人欲護  
 於諸佛法者 不求欲得名 聞及與壽命  
 如是行住者 疾近爲菩薩 自在其意願  
 欲起何刹土 若等諸菩薩 當起恭敬意  
 我起恭敬意 無所倚護法 作是行者便  
 得去離生死 莫於世間作 習貪著於俗  
 我所以於無 數劫以妻子 捨國及頭目

用索佛法故 無行者用供 養故壞佛法  
 便展轉起諍 欲得供養故 時坐八十億  
 人垂淚而言 若法盡時吾 等當護後法  
 說經動三千 刹諸天散華 快善哉世間  
 人乃聞是經 一切恒邊沙 無數諸佛刹  
 滿中諸珍寶 悉以供養佛 不如一時信  
 解是印三昧 其德欲譬之 不可以比慧  
 不用力及強 可得菩薩行 聞佛尊正法  
 便起菩薩意 其有起恭敬 於是尊經法  
 作行如是者 便疾得爲佛

爾時彌勒菩薩白佛言後當有幾人能受持是三昧者佛語彌勒菩薩言彌勒若有後來世人持想起功德者設使我說若便不樂彌勒菩薩白佛言願佛愍傷一切人故惟爲說之若有諸菩薩諦欲學者菩薩當護其行令無缺減於阿耨多羅三藐三菩提心佛語彌勒菩薩言若有菩薩於百佛已起菩薩意然後壞敗菩薩行若有菩薩於千佛已起菩薩意然後亦復起菩薩意誹謗方等經亦不解若於十萬佛已起菩薩意然後亦復起菩薩意不誹謗方等經亦不諷誦讀之若於百萬佛已起菩薩意然後亦復起菩薩意不誹謗方等經亦不諷誦讀之若於一億佛已起菩薩意然後亦復起菩薩意聞方等經書之於其中不曉了若於十億佛已起菩薩意然後亦復起菩薩意得方等經書之諷誦讀之不能得法忍亦不能得是三昧亦不樂是三昧若於八十億佛聞是三昧持之諷誦讀之已於八十億佛前皆起菩薩心得方等經持之書之諷誦讀之得是三昧堅持無瑕穢奉行之終不爲魔所得不爲罪所蓋若於阿僧祇劫中所作諸罪若頭痛便除其罪若亂意若見誹謗若見輕易若少得供養於一世皆畢其罪若供養阿僧祇佛

然後終不怯弱心堅住內曉了若菩薩有惡道罪然後所生不端正便除其罪若多病瘦若不爲人所敬生卑賤家生於見輕易家生於貧窮家生於邊遠家生於慳貪家生於外道家與怨憎不可共會與不解意共會心多憂念在國國相攻伐處在郡郡相攻伐處在縣縣相攻伐處在聚聚相攻伐處生於種姓諸家相攻伐處生所可處相攻伐處生不見善知識不數聞法不能得衣被飲食牀卧具病瘦醫藥既得少耳所說可於凡人不可長者亦不能解了其意於功德不能致得增益數在於譴過中數爲他人所亂

不能得所便供養若得聞法不解若見惡夢於夢中除其宿罪爲罪垢所可摧滅所可作不覺魔事常與不可共會若有好衣被飲食一切諸可持與他人若於百佛手自作功德心無瑕穢爾時皆壞敗以是故諦復諦內起好心可當忍者一切僧那僧涅於深微妙法堅住於行於後來世人當持是法爾時可意王菩薩與文殊師利菩薩六十賢者留於後世令護後法佛爾時便說偈言

莫行諛詔 倚有所著 當正其意  
持慧行住 深入微妙 住不動忍

901

1 2 3 4 5 6 7 8 9 201 2 3 4 5 6 7 8 9 202

當作是行	疾求三昧	莫作詭倚
遠離著垢	莫貪諸有	樂於所諍
當行平等	譬如虛空	如是行者
十種力寶	常當堅意	住於菩薩
當學微妙	佛之奧藏	一切諸愛
慧意無欲	已有是行	得寶三昧
常當等心	於諸憎愛	視善知識
如見諸佛	樂於施與	內行平等
有是行者	疾曉三昧	慧經光明
不可盡寶	住是三昧	不可稱數

是經之明	過於日光	故說是經
當入尊慧	譬如日月	諸寶燈明
若如冬月	高山之雪	譬如釋梵
及與四天	是經光明	出於彼上
是經除結	及與意罪	降伏衆魔
便得安隱	神足徹視	得知宿命
曉知一切	人意所欲	我念宿命
無數劫時	愛欲悉盡	一切無餘
時佛讚歎	說是印經	當如我學
疾得不久	若有行者	諦知空虛

901

2 3

4 5

6 7

8 9

201

2 3

4 5

6 7

8 9

201

2 3

4 5

6 7

8 9

201

2 3

經

佛說法華經卷第十一

三

大

內意曉空	其本自然	作是行者
爲著於空	持法行者	遠離於空
我泥洹後	人當說言	一切諸法
視之若夢	若持諸法	欲有所譬
其意所起	故爲是著	空無有生
亦無作者	亦無來者	不見有往
不行是法	著於有中	便自說言
我已知空	得善知識	從其聞法
衣毛堅起	淚出而言	今師實尊
是賢者人	轉後便說	百惡之言
多有卑賤	貧窮之人	望供養故
便自稱譽	求安名聞	因作沙門
汚亂正教	持法弟子	倚於佛道
便作沙門	作菩薩行	不住菩薩
譬如海邊	遙視彼岸	行不具者
非是菩薩	若在空閑	常望供養
於其內行	不住清淨	我是沙門
親近厚善	便自說言	住於佛法
若於我道	作沙門者	行之如法
如水蓮華	於是經中	

901

201

201

201

卷之三

三

有是行者

能護佛法

今可意王

當受我教

莫作著行

如世間人

遠離世俗

可得佛好

以故屬若

可護後法

譬若那術

刹土中人

取恒邊沙

皆悉種之

一一諸沙

皆成爲實

是一實者

成一恒沙

如是計數

千返種之

如是計之

諸恒邊沙

計數如是

過若干刹

舉一沙者

以爲計數

以是計數

東方如是

是計沙數

皆令使盡

十方一切

皆悉如是

如是刹數

諸佛滿中

一一諸佛

各數如是

一切諸佛

有萬種聲

於無央數

恒邊沙劫

說經功德

無有盡時

若人有行

於是經義

常當內意

住是經法

當誦奉行

如上所說

是經尊慧

無有邊幅

譬如芥子

在須彌頂

若人從海

取水一滴

說經功德

其譬如是

是經尊故

作無著行

經

佛說法華經卷三

爾時可意王菩薩與文殊師利及六十賢者白佛言  
 法名爲法何等爲法寧可得知法貌不佛語可意王  
 菩薩與文殊師利及六十賢者法名善男子無作之  
 貌也無作者爲何等貌也不可得之貌也不可得者  
 爲何等貌不可盡之貌也不可盡者爲何等貌無所  
 起之貌也無所起者爲何等貌無所滅之貌也無所  
 滅者爲何等貌無所獲之貌也無所獲者爲何等貌  
 無所倚之貌也無所倚者爲何等貌無所處之貌也  
 無所處者爲何等貌無所出之貌也無所出者爲何  
 等貌不動搖之貌也不動搖者爲何等貌離於動搖  
 之貌也離於動搖者爲何等貌無心之貌也無心者  
 爲何等貌無念之貌也無念者爲何等貌無二之貌  
 也無二者爲何等貌平等之貌也平等者爲何等貌  
 非有之貌也非有者爲何等貌無所住之貌也無所  
 住者爲何等貌無所行之貌也無所行者爲何等貌  
 無懈怠之貌也無懈怠者爲何等貌法無處所之貌  
 也法無處所者爲何等貌泥洹之貌也文殊師利菩  
 薩白佛言設使是法展轉不相知何所法當盡者今  
 吾等護後法佛語文殊師利菩薩言起法法想者欲  
 得度欲得度者住於法住於法者便處二法處二法

者爲滅法之行也法亦不滅亦非不滅我今若等護  
是後法佛爾時便說偈言

已住吾我 便言有世 持想作行

欲脫於世 起是念者 爲住二法

爲是惑事 非正法行 法無作者

亦無壞者 不可見知 亦無人所

著於有者 因起想行 便自說言

我已忍空 起想念空 是爲非法

法無所有 便行有法 一切所起

爲無所有 於行寂然 是爲法印

於想有動 便卽自縛 法本清淨

便起有法 一切諸法 譬若如響

著於有者 便處二法 清淨慧法

慧不得慧 於慧慧中 無有逮者

一切不見 可起習者 痴慧皆空

俱無所有 若使自然 當有所者

便可滅壞 就於泥洹 設使諸法

有所住處 人與非人 皆爲泥洹

著人於世 自取自放 是想非想

而求泥洹 自起吾我 一切皆爾

經

佛說大三乘經

卷三

所起諸法

亦無識念

愚癡與智

於是二事

語從口出

爲無所有

起想行者

便惑其中

壞滅生死

欲求泥洹

心不知心

其本自然

於本自然

能欲起行

一切諸法

自然如夢

非是諦行

持有作諦

起有法者

非是諦行

滅行法者

非是諦法

假令滅行

爲是諦者

諸起有法

皆當爲佛

佛所覺者

爲無所覺

所可說法

爲無所說

所可度人

爲無所度

佛爲諦見

無所起法

設使泥洹

當爲是色

佛諸弟子

悉當在中

假令泥洹

爲當住法

大哀四等

皆成蠕動

一切人人

不能相見

於世自號

持我作人

諦視世間

無我無人

空無所著

是爲泥洹

偶比言者

自呼爲諦

壞敗滅愛

欲得爲道

已不起法

便爲一法

持有行法

處是四諦

諸佛所處

皆處一法

901 2 3 4 5 6 7 8 9 201 1 2 3 4 5 6 7 8 9 202

經

佛說法華經三昧經

坐於佛樹 何有四諦 如是行者

不曉菩薩

作行如是 壞敗佛道

作沙門者

當如其法 所可愛欲

不當畜積

欲成三昧 諦其行者

譬若如犀

常樂獨處 八十億佛

人中之王

行是三昧 諦悉知

若有尊天

已見諦者 畫夜擁護

持法之人

經不可盡 照明一切

入是法藏

無端底門 其有信行

是三昧者

常於夢中 與諸佛會

佛爾時告文殊師利菩薩言若有人欲得菩薩道者  
 菩薩當奉行是三昧若欲成相若欲成好十種力四  
 無所畏十八不共法若大哀無所著欲得自然慧眼  
 若欲成比丘僧若欲成菩薩若欲成佛刹若欲得慧  
 阿隣尼一切人所可說聲欲離於世欲知一切人所  
 可道欲得力欲得曉了三昧當奉行如上所教即爲  
 如佛如將如大將如將中將爲一切上爲一切大哀  
 爲多呵竭所可說皆平等無量等與空等無處等所  
 說等人中上所以者何我住於是三昧提惒竭佛時  
 我已得佛道文殊師利白佛言設使提惒竭佛時佛

道何復爲世間佛。告文殊師利菩薩言。用三事故在於世間。何等爲三。一者作佛事。二者度十方人。非人三者不違本願。我爾時已得佛道。爲泥洹已。佛爾時便說偈言。

行是三昧	於無底念	疾得爲佛
一切十方	無央數佛	護持法者
便悉得聞	無量無底	諸經正教
持是經者	便得無極	陀隣尼門
欲知人聲	諸慧三昧	當於是經
四諦度脫	無所著慧	能休諸有
無起無滅	無有處所	能致清淨
便逮相好	一切功德	及十種力
欲解微妙	諸深慧法	當行是經
欲得解了	一切世人	墮於冥者
欲諦教人	除其姪怒	清淨行者
當於是經	晝夜勤力	作無上行
常樂精進	於三七日	奉行印經
莫持懈怠	及與安隱	欲求是法
常持柔軟	無嫉妬意	在於空閑
以法施與	持戒恭敬	便得其願

經 十一 佛說慧印三昧經

等意自守

示一切人

以三昧經

莫樂愛欲

譬如蓮華

不著於水

堅住精進

譬如飛鳥

在於虛空

行是以後

便得無極

陀隣尼門

說是經時三千刹土六返震動諸天億百華香妓樂及與幢旛繒蓋交露七寶瓔珞金敷色華及摩尼寶水精瑠璃以供養佛一切尊天諸天王女及龍鬼神阿須倫伽留羅比丘僧優婆塞諸優婆夷皆大歡喜悉棄捐家放捨所有妻子諸寶起菩薩意於一那術說行菩薩不能究竟其起菩薩意者皆得阿惟越致

無央數恒邊沙人皆得阿羅漢十方諸飛來菩薩皆歡喜去佛說是法時阿僧祇人皆發菩薩意八十那術人皆得阿惟越致三億六萬菩薩得是三昧無央數人皆得阿羅漢道可從十方諸來菩薩皆得是三昧佛爾時說經已竟可意王菩薩文殊師利及六十賢者洴沙王夫人跋陀斯利亘那臘諸天人民龍鬼神阿須倫聞經者皆大歡喜前爲佛作禮而去

佛說慧印三昧經

校訛

第二十三紙十三行

法下 南藏  
多決字

## 音釋

瑱

他切

見

亘

古鄧切

鄧

隱綺切

廿

人汁切

泮

沙林九語也

沙

此云模

眞

切

實

洴蒲

阿

梵語也

閔

此云無

閔

先闔切

閔

三十切

## 佛說無極寶二昧經卷上

西晉三藏法師竺法護譯

聞如是一時佛在羅閱祇竹園中與千二百五十比丘俱菩薩九十億人皆如文殊師利等是時竹園四面周市地自然生文陀般華種種妙色非世所有華各有百萬之葉華上各各有佛坐之佛上各有交露寶蓋蓋間各有妓樂之聲一佛之前各有菩薩皆如文殊而坐間事竹園之地如三彌佛刹皆悉平等大千刹土日月之光皆悉蔽沒無復明耀百日之中恒見諸佛諸大泥犁皆得休息百鳥禽獸不飲不食

吳江居士周祇施資刻此  
佛說慧印三昧經

吳江居士了初對吳門徐普書涇縣徐世繼刻  
萬曆甲辰孟春月經山寂照庵識

皆得法味百日安寧見佛歡喜自忘畜心一切人民普得法味百日安隱無飲食想心意快然發無上意一切樹木皆有音聲竹園之中化有浴池池中生十萬種華華有交露師子之座各有菩薩而處其上其邊各有天人立侍帳間各各萬種音樂千歲枯樹悉生華葉一切樹木皆傾相向竹園左右女人見佛者皆化作男子無復愛欲逮得法眼爾時佛作寶如來三昧遍悉感動無量佛刹四方四隅上下方面無極佛刹各遣菩薩費持妙華來詣竹園禮事供養訖各却坐釋梵四王愛欲諸天各與眷屬於中以天華香

妓樂供養諸大龍王阿須倫王迦樓羅真陀羅摩休勒等各各自與無數官屬來詣佛所禮事供養舍利弗白佛言今所感動是何瑞應佛言無應之應是其應也舍利弗言無應之應其義云何佛言汝往問於寶來菩薩則當爲汝演說此義卽時舍利弗問寶來曰今此感動爲何瑞應寶來菩薩答舍利弗羅漢疑重故未解乎有想想者非盡之法無想無作是爲法寶昔者我始發意之時與三十六億人求菩薩道時釋迦文亦在其中一切所志皆有起滅諸法本空譬如野馬無想起作持是作法而滅行求願想願欲得

經 卷 三

佛說無量壽經卷三

大二

是自言得道起想罪根壞滅諸慧求於三尊想取泥洹疑盡滅身而生死不斷羅漢得泥洹譬如寐人其身在床一時休息命不離身羅漢得禪故是大疑寶來又問舍利弗言譬如龍王興作雲雨四面合冥不知所從來菩薩從第九已下悉已逮得六萬三昧其所興爲固不可限亦何復疑所從來處舍利弗言我學不得善知識故令我疑根不斷絕耳今聞尊法無所復益譬若如人爲百鳥作樂樂雖和妙鳥不聽受今我如是不了是法一切新學菩薩大士聞是三昧德尊無量譬如夜時暫見火明火滅之後故冥無見今我如是無益已矣願作八千里火以身投中如是億劫然後乃出復入三惡道爲一切所噉食數千億劫後生作人求善知識寧可得不寶來答曰火雖廣大心垢叵燒學無漚恕拘含羅不得善知識者不得薩芸若也寶來菩薩白佛言諸法無主誰爲成薩芸若者誰成正覺弟子緣覺唯加大恩演示其義佛言善哉善哉所問深妙乃欲決斷生死之根今爲汝說諦聽受之若善男子善女人欲得阿耨多羅三藐三菩提當行九法寶一者見諸天無有處但有名耳二者見世間人民但有字耳三者見五道勤苦但有習

1 2 3 4 5 6 7 8 9 210 1 2 3 4 5 6 7 8 9 220

耳四者地水火風亦本空耳五者當來過去現在如芭蕉無想六者現生死無本際七者觀諸三昧寂無往來八者當觀大千諸佛刹土中無得三昧者九者見大千刹土中一切蠕動悉欲度之令與佛等是爲九寶得是無作之想者可得決斷一切大想寶來又問諸法無想當作何住得無所住佛言諸法無住住得爲想無起之念非想非道亦復是想斷求無想得垢無度無主無往無來如虛空觀與泥洹等與無名等寶來菩薩言善哉善哉深妙乃爾般施菩薩白佛言菩薩欲得坐佛樹下莊嚴刹土教導十方今諸佛土如今竹園普使逮得令無所從生修行何法而得到此佛言當行八直一者直無名之響二者直無名之聲三者直觀十方佛土等無有二四者直見大千刹法等無異五者直觀十方一切欲令與佛等六者直於無形見一切無有起滅七者直見入諸三昧無有往來相之想八者直見十方諸佛般泥洹不般泥洹亦等無異是爲八法菩薩從是疾得無所從生法忍教授十方得如竹園寶來菩薩復白佛言今諸上人各從遠來覩見世尊歡喜忘食乃得值聞是尊三

1 2 3 4 5 6 7 8 9 20

1 2 3 4 5 6 7 8 9 20

昧爲是宿福本願所致耶佛言亦非本願亦不離本願所行常精進不失諸三昧常隨善知識遠離於眾事寂然不數會但志在三昧今故以寶珠來兩衆會上寶來復問新發意菩薩欲行是三昧當云何行而得致是佛言當行入法寶得是三昧一者卽於佛前得是三昧二者供養十方羅漢真人行菩薩法億劫不懈一時聞是三昧尊法解說親近奉不遠離三者供養舍利起塔彌滿植福無缺而於法無益一時轉意作行者卽向慧門四者得四無畏於十方生死無所遠離五者菩薩見五道勤苦意欲度之沒命救濟不以爲劇又欲令彼得安至佛六者菩薩事人如奴事大夫貴欲度之不以勤苦所以者何如本無故七者菩薩親見九十六種外道於中覺知欲起法住八者奉行六波羅蜜供養比丘僧雖億萬劫不如一時聞是三昧十方其有當作佛者用何爲證聞是三昧卽知是人爲得佛證也其有發意向是三昧歡喜信樂而解慧者卽爲已解六萬三昧是爲入法實行是三昧卽得陀隣尼門佛於爾時欣然而笑光耀煥爍靡不遍照文殊師利稽首白佛佛不虛笑笑將有意佛語文殊審如所言是寶來菩薩從寶來佛刹來

1 2 3 4 5 6 7 8 9 20

1 2 3 4 5 6 7 8 9 20

22

去是九億萬佛國其刹名曰諸法自然其有善男子  
善女人往生者不從胞胎不更苦痛無有恩愛皆於  
自然華香中生生卽住立無乳哺者自然娛樂朝暮  
娛樂寂然清淨以爲法僧若善男子善女人聞是三  
昧卽却六百四十萬劫之罪若命終時便得往生彼  
國寶如來刹無日月光雖有日月明蔽不現若人往  
生見日月星宿卽爲出現其見日月星有光明者卽  
知是人當往生也而諸聲聞不逮知此唯佛世尊及  
神通菩薩乃見知之是故我今而笑之耳賢者須菩  
提及舍利弗俱前稽首而白佛言願加大恩加我威

神得至彼刹諸法自然國禮事供養須臾來還佛卽  
聽往俱到彼國卽至而見其中所有俱亦復有羅閱  
祇城亦有竹園釋迦文佛一切所有如此無異舍利  
弗問須菩提怛薩阿竭隨我來乎須菩提舍利弗禮  
事畢訖從彼來還至覩衆會續自如故佛問舍利弗  
向至彼國皆何等見對曰我見彼國悉如此間諸佛  
之功德甚尊甚尊饒哉會者得遇見此也三彌菩薩  
從座起正衣服稽首佛足願欲所問無生之法爲有  
想無未起之想有識無泥洹寂然有定無泥曰不起  
有形無設無形而在彼間教生死五道誰是主者佛

卷一

正言無量壽經卷一

言諸法本無一切清淨因緣起滅故生諸法以空造  
空本無是王三彌勒菩薩聞佛所說諸天及人八萬六  
千皆得無所從生法忍昇住空中去地百六十丈從  
上來下稽首佛足是時三千大千刹土地大震動彌  
勒菩薩白佛言向者地動是何瑞應佛告彌勒今地  
之動非獨此也十方諸刹地亦普動諸刹亦復各有  
八萬六千天與人得無所從生住在空中皆如此也  
彌勒復問菩薩云何得致無所從生法忍佛言有六  
法得致之一者知天及人當得佛者未得前者我當  
往荊之不與十方天下人共知之二者大千刹中若

善男子善女人當得佛未得前者我往荊之不與十  
方天下人共知之三者諸地獄中人當得佛者我悉  
當往荊之不與十方天下人共知之四者十方人絕  
命所生處我悉知之不與十方天下人共知之五者  
十方天人壽命盡我悉知之不與十方天下人共知  
之六者十方諸佛取泥洹不取泥洹我悉知之不與  
十方天下人共知之是爲六法疾得無所從生法忍  
彌勒菩薩白佛言是三昧者爲極大尊欲令衆會普  
共逮得當行何法而令得之佛言當行九法一者視  
諸法悉清淨無邊二者視諸天亦清淨無邊三者視

諸生死清淨無邊四者視五道悉清淨五者於欲無所求悉清淨六者視三界色悉清淨無有邊七者視泥洹悉清淨無有邊八者觀泥犁悉清淨無有邊九者見十方無有舉名者是爲九法菩薩行如是者疾得是三昧彌勒白佛言菩薩得六萬三昧三昧寧有邊幅無耶而得六萬三昧是爲無邊幅乎佛言雖得六萬三昧但有名耳不可極盡三昧悉具足又三昧者非但一品有無念三昧有離欲三昧有坐聽十方佛三昧有莊嚴諸佛國土華香自然來三昧有所說法一切人悉還本三昧有出諸法無還想三昧有說

經時化爲百種音聲三昧有說法億千萬佛國華香自然三昧有伏諸羣生三昧有發師子意獨行獨步三昧有所處莫不發阿耨多羅三耶三菩提三昧有所在處莫不供養三昧有亂風一起時如佛說經聲三昧有所向門莫不開三昧有所在處師子爲現三昧有飛到十方三昧有向門莫不開十方菩薩往來無極三昧有坐知十方人意三昧有壞滅諸想三昧有壞滅諸識三昧有合十方諸刹土合爲一刹三昧有發意不盡三昧有視三界了無一人三昧有住一佛國到一佛國三昧有所有處令法不斷絕三昧有

所在常與佛相遇三昧有坐觀十方大兵大火大水  
 大風於其中不恐怖悉往教導之三昧有所在處但  
 以法作器三昧有善男子善女人聞是三昧卽得往  
 來無還之想三昧如是三昧不可極盡今爲會中粗  
 說之耳有無名三昧有住諸法三昧有名諸慧三昧  
 有教法三昧有滅壞羅漢辟支佛三昧有法寶三昧  
 有總持無無名法三昧有知人意三昧有斷諸煩苛  
 三昧有制力欲覺三昧有滅十方種力三昧有智慧  
 光明所處三昧有不可計三昧有見法時如水影二  
 明有不可盡淨慧三昧有空諸惡三昧有無願想三

昧有住禪乃至泥洹三昧有譬若金剛無穢三昧有  
 極明三昧有過諸煩已盡三昧有廣大水法三昧有  
 莊嚴大船三昧有入無名三昧有不盡喜意三昧有  
 總持無所忘三昧有在冥悉令明三昧有所樂悉樂  
 三昧有慈行三昧有淨大哀三昧有入等心三昧有  
 出等心三昧有名已脫未脫三昧有光明所從來處  
 三昧有曉無所曉三昧有脫慧脫教三昧有色蓮華  
 爲現三昧有離無常三昧有尊智慧無主三昧有勇  
 猛無所不伏三昧有開闢諸刹三昧有清淨無形三  
 明有無名寶三昧有如海無所不受三昧有神足廣

大三昧有如彈指無所不及三昧曇摩菩薩語舍利  
 弗言所問慧住故曰不可極是應時聞所聞如意不  
 自貢高所作不忘常敬意如所教習慧用意無所受  
 故不失禮節所作法不忘不亂意如珍寶除諸老病  
 以意爲法器是爲樂忍辱所思但想諦言所樂但法  
 意慧不用足時所施無所惜所與無適莫所聞諦意  
 觀歡喜無所得其意已悅身體爲輕意不在外道但  
 欲聞法味及比羅經但欲聞漚起拘舍羅但欲聞四  
 等心欲聞無底法如意不異念欲意受漚起拘舍羅  
 欲聞無所從生法不貪觀但欲意受慈度之欲知無

常聲欲知寂然之意欲知空復是空欲知無想生死  
 及布施一切不欲聞但欲聞音樂隨樂十方忠信以  
 作正降伏諸欲根曇摩菩薩白佛言菩薩已得寶如  
 來三昧自在所爲衆意已具便得三寶一者譬如水  
 中影影亦不在水中亦不在水外菩薩於是間坐其  
 身悉在十方其身亦不在十方二者菩薩於是間坐  
 分身悉現十方佛前坐其身亦不在十方佛前坐三  
 者譬如山中呼響音聲還報音響亦不在內亦不在  
 外菩薩於是間坐悉遙說十方佛諸菩薩事十方諸  
 菩薩亦無往來到彼者彼亦無往者如是也佛語曇

佛說經卷第十二

摩菩薩已得陀隣尼門譬如持弓弩布矢在欲所射無所不到菩薩持一慧入萬億慧靡所不至如是也佛告曇摩菩薩汝見阿須倫欲興兵時彈指之頃兵到六天中間無空缺菩薩已從第九以下欲說法時如是也寶來菩薩語舍利弗言淨者貪欲消伏其意無貪欲者是不可盡其諸惡意者不能伏復亂其意護於惡意是故不可盡其意瞋恚有形欲貢高諸所不可索可欲作菩薩常欲護是意知不可盡去諸垢當知意不可盡護者不令懈怠當知其意不可盡其狂亂者轉以法護之當知意不可極無智慧者欲護

之知意不可及一切以法施與法脫之當知意不可盡欲教一切人皆令爲功德當知是意不可盡寶來菩薩語舍利弗言菩薩有四法一者意作陀隣尼行不可盡二者陀隣尼所入行不可盡三者以陀隣尼教一切是不可盡四者博學問故陀隣尼不可盡是爲四復有四事不可盡一者上脫中脫不可盡二者四馬之路不可盡三者可意之王不可盡四者十二因緣無有主不可盡是爲四復有九法不可盡一者無我之語不可盡二者無作之想不可盡三者寂寘泥洹之語不可盡四者所度不可盡五者大海流水

經

佛說法華經卷第十一

無有懈倦不可盡六者諸惡無垢不可盡七者苦痛之聲不可盡八者去來之想不可盡九者所度無主不可盡是爲九復有九法不可極一者諸佛刹土不可極二者諸菩薩所從來處不可極三者發阿耨多羅三耶三菩提心者不可極四者失願取羅漢辟支佛不可極五者十方菩薩從一佛刹飛到一佛刹不可極六者六波羅蜜不可極七者三三昧不可極八者過於泥洹亦如化不可極九者三昧不可極是爲九寶來菩薩語舍利弗言菩薩有三十二寶一者其心不著愛欲是卽忍辱不可極二者不起我非我亦無所造是故忍辱不可極三者不念一切善惡是爲忍辱不可極四者不恨心意於一切是爲忍辱不可極五者不瞋怒向一切人是爲忍辱不可極六者不懷念他人惡是爲忍辱不可極七者亦不妄燒人有所繫是爲忍辱不可極八者於大會不調戲於座中是爲忍辱不可極九者自護護他人身是爲忍辱不可極十者有貧窮者給與護之從後無所希望是爲忍辱不可極十一者自制不隨惡知識是爲忍辱不可極十二者無有愛欲意於身及他人身是爲忍辱不可極十三者不起諸想無念善惡如彈指頃是爲

忍辱不可極十四者護於功德莊嚴身相是爲忍辱不可極十五者信作善不離於三昧是爲忍辱不可極十六者常護口不妄言是爲忍辱不可極十七者心意清淨是爲忍辱不可極十八者堅住善知識世世與相隨不於他處說其過惡是爲忍辱不可極十九者自較計他人有惡者我亦有惡是爲忍辱不可極二十者所念無有邪邪卽覺是爲忍辱不可極二十一者輭心和意是爲忍辱不可極二十二者護惡人令心不起是爲忍辱不可極二十三者生天者教導諸天是爲忍辱不可極二十四者生天上世間教兩道中不更三道是爲忍辱不可極二十五者具足諸種好是爲忍辱不可極二十六者得音如梵天聲是爲忍辱不可極二十七者脫姪怒癡是爲忍辱不可極二十八者不於諸色及名有想是爲忍辱不可極二十九者所作功德不著但欲起衆法取是爲忍辱不可極三十者降伏諸外道是爲忍辱不可極三十一者已出諸病中是爲忍辱不可極三十二者具足諸佛法使不傷誤是則爲寶不可極三十二事復次舍利弗復有三十三事爲所入寶一者欲入響欲入觀觀無所觀是卽爲寶二者欲入心離心是卽爲

忍辱不可極十四者護於功德莊嚴身相是爲忍辱不可極十五者信作善不離於三昧是爲忍辱不可極十六者常護口不妄言是爲忍辱不可極十七者心意清淨是爲忍辱不可極十八者堅住善知識世世與相隨不於他處說其過惡是爲忍辱不可極十九者自較計他人有惡者我亦有惡是爲忍辱不可極二十者所念無有邪邪卽覺是爲忍辱不可極二十一者輭心和意是爲忍辱不可極二十二者護惡人令心不起是爲忍辱不可極二十三者生天者教導諸天是爲忍辱不可極二十四者生天上世間教兩道中不更三道是爲忍辱不可極二十五者具足諸種好是爲忍辱不可極二十六者得音如梵天聲是爲忍辱不可極二十七者脫姪怒癡是爲忍辱不可極二十八者不於諸色及名有想是爲忍辱不可極二十九者所作功德不著但欲起衆法取是爲忍辱不可極三十者降伏諸外道是爲忍辱不可極三十一者已出諸病中是爲忍辱不可極三十二者具足諸佛法使不傷誤是則爲寶不可極三十二事復次舍利弗復有三十三事爲所入寶一者欲入響欲入觀觀無所觀是卽爲寶二者欲入心離心是卽爲

寶三者於心無主是卽爲寶四者欲入身求脫本無  
 脱者是卽爲寶五者欲入十二因緣無有住者是卽  
 爲寶六者欲入不斷離於不斷是卽爲寶七者欲入  
 無常視之無形是卽爲寶八者欲入無名王離於無  
 名是卽爲寶九者欲入寂不離於起是卽爲寶十者  
 欲入三界不離三界是卽爲寶十一者受無所受是  
 即爲寶十二者欲入當來過去亦出當來過去是卽  
 爲寶十三者欲入功德觀本無主是卽爲寶十四者  
 欲入空空中空是卽爲寶十五者欲入無想不起無  
 想是卽爲寶十六者欲入願離願是卽爲寶十七者  
 欲入空離空想是卽爲寶十八者欲入三昧無有合  
 所以者何法無二故是卽爲寶十九者不以三昧有  
 所願生處是卽爲寶二十者三昧不爲一切諸法作  
 證是卽爲寶二十一者欲入無生之道無有度者是  
 即爲寶二十二者欲入無生處是卽爲寶二十三者  
 欲入不動搖處是卽爲寶二十四者欲入一切無我  
 不離無我是卽爲寶二十五者欲與生死初無相知  
 者是卽爲寶二十六者欲與三昧初無相識者是卽  
 爲寶二十七者欲入相初無相知者是卽爲寶二十  
 八者欲入欲厭欲意是卽爲寶二十九者欲入不念

無有念是卽爲寶三十者欲入陀隣尼門無所不總是卽爲寶三十一者欲入者所作惡欲不爲惡是卽爲寶三十二者欲入漚惄拘舍羅以意作法器是卽爲寶三十三者欲與萬事相應不相遠是卽爲寶三十三事佛語文殊師利譬如欲入城當從其門欲知因緣無所諍欲知諍者不如自守欲知不欲語言者不如莫在中不欲動者勿得轉欲無希望者當無所想不欲色者當正住不欲有異者當寂自守能自守者不稱說不自高自下者其人已具足故欲有所便者所作無所失得道亦如是無有疑無有疑者知本無故知本無者無所失故三世等無有異三世無增減者不住色已不住色爲不住衆法也眼見色者但是眼精住非是色也耳聞聲無所住鼻識香香亦無所住口識味味亦無所住意亦不知識識亦不知意意無所住如本行無有想慧行諦諦如是無有我是我所諸法見但見無我慧不知所有所有亦不知慧慧不知習習不知慧菩薩心不離心曇摩菩薩白佛言道不與想合者爲有合者無佛言諸法不以想爲證但以音響爲法譬如人吹笛聲音悲快與歌相入音均合同諸三昧者亦如是諸化亦如是念亦如是

東京大学総合図書館所蔵  
七

帝釈天主三昧經卷一  
七

無故知本無者無所失故三世等無有異三世無增減者不住色已不住色爲不住衆法也眼見色者但是眼精住非是色也耳聞聲無所住鼻識香香亦無所住口識味味亦無所住意亦不知識識亦不知意意無所住如本行無有想慧行諦諦如是無有我是我所諸法見但見無我慧不知所有所有亦不知慧慧不知習習不知慧菩薩心不離心曇摩菩薩白佛言道不與想合者爲有合者無佛言諸法不以想爲證但以音響爲法譬如人吹笛聲音悲快與歌相入音均合同諸三昧者亦如是諸化亦如是念亦如是

覺亦如是生死無名離於無名念化覺亦如是諸名無處我不想之無作之想爲離無離無作之作以爲作想想行寂然都無所有諸法非欲一切皆然實來菩薩白佛言諸寂不起欲決斷大疑各還本處佛言諸法處無有處化亦無處念亦無處又問生生處有生生無化化處有化化無念念處有念念無覺覺處有覺覺無佛言生生復生泥洹生是爲合怛薩阿竭意生生復生不生泥洹生是爲不合怛薩阿竭意化化復化泥洹化是爲合怛薩阿竭意化化復化不化泥洹化是爲不合怛薩阿竭意念念復念泥洹念是

爲合怛薩阿竭意念念復念不念泥洹念是爲不合怛薩阿竭意覺覺復覺泥洹覺是爲合怛薩阿竭意覺覺復覺不覺泥洹覺是爲不合怛薩阿竭意文殊師利菩薩說頌言

法法無有生	合爲一淨耳	生生不復生
泥洹皆如是	化者從本無	化化無脫者
化與泥洹等	寂然無處所	念者本無識
發念因空耳	泥洹與念等	所念諦如是
覺覺平等行	所覺無所到	所覺無常住
是怛薩阿竭	化處無有處	所覺無所到

經

佛說華嚴經卷第十一

十一

若化無處所 諸法皆如是 生處有本無  
 無生是其處 化處無名處 一切爲三昧  
 念處有念無 從空到其處 非本無所諦  
 其慧已如是 覺行不相連 覺不離其處  
 行從覺見識 離覺無有脫 所生法不絕  
 所在常如是 三千日月中 所明無有上  
 法者悲思想 所當還行者 於欲不起垢  
 悲空亦悲想 如來意常淨 亦不處法名  
 所脫非常住 一切如本處 華香自然來  
 所出無處所 清淨竟無處 所有皆悉爾

千歲枯樹生 皆從發意起 皆見大光明  
 世明最無有 虛空無音樂 畫夜光明見  
 是時大會者 悉發菩薩意 人民大歡喜  
 皆得聞是經 卽動三千刹 得受不動身  
 寂然法爲見 無名是其應 何況世所有  
 一切皆如是 清淨不爲定 癡慧本無是  
 淨癡合同本 慧本無脫者 三昧無所起  
 一切皆如是 菩薩住道地 在意所從生  
 五事不可親 令墮三道中 遠離如是行  
 得佛達十方 百日得法味 奉行是三昧

經

佛說無極寶三昧經卷上

大

皆從諸刹來 飛來至佛前 諸天及國王  
 悉得見佛身 志意大歡喜 身體爲悉輕  
 不當以色相 觀法有三尊 般若比羅經  
 所處無三千 如來本發意 願不離十方  
 常作大法園 所處無三千 三界之中人  
 及上忉利天 悉荷陀那佛 其號天中天  
 發意到其國 須臾復來還 摩提那菩薩  
 飛還到竹園

佛說無極寶三昧經卷上

音釋

叵普火切 潛惄拘舍羅梵語也此云方便便不可也  
 菴梵烏侯切 想音和必利耶  
 也寒歌切 適莫都歷男適莫  
 奇細也 適莫猶可不可也

吳江居士周祇施資刻此  
 佛說無極寶三昧經上卷  
 吳江居士了初對吳門徐善書進賢陳叔道刻  
 萬曆甲辰孟春月徑山寂照庵識

經

佛說無極寶三昧經卷下

## 佛說無極寶三昧經卷下

西晉三藏法師竺法護譯

舍利弗白寶來菩薩言仁所來處刹土何類本願何如無極國土寶來答曰無極國土爲何如耶舍利弗言無極國中悉皆菩薩無有羅漢異種雜人也一切所有皆是七寶寶來言我發願以來所度不逮不願無極國土所有也法無起處豈有思想一切刹土有起願者令復逮是無極想願舍利弗言仁者來時賚持妙華貴其珍奇不亦想乎答曰是華無形但以爲主而於竹園以法授之耳又舍利弗見佛像者爲作

禮佛道威神豈在像中雖不在像中亦不離於像但有想者謂有威神觀之了無所有也願者譬如忉利天上有華名拘耆諸天莫不愛樂者菩薩以法爲一切尊眼目道本所有但以意作法器耳舍利弗言意者獨有王耶寶來曰意者與諸法合諸法與意合道者無王以無起作王是故爲法器也又謂舍利弗汝見化未曰見之寶來曰化道在何所從何所來去至何所舍利弗言化無處所寶來言何知爲化舍利弗言但見化成時不見本末故名爲化寶來曰是故無所有也舍利弗言見者爲倒見乎無所見何等爲見

寶來曰諸想如化是爲見未起法如化未來法無名是爲見無造法未作法是爲見無有造化者但作無名之想是爲見怛薩阿竭作無造之作是爲見舍利弗言於是見中有往來無寶來言無往來者以故爲見設有往來者是不爲見是爲倒見也舍利弗問寶來言乃有斷輪門者無寶來曰薩芸若者已見無形之門是爲已斷輪門已空可致脫無脫者可致於空譬如空無所不入何以故都無有處用是故無所不入用脫於本故其輪不轉曇摩菩薩語寶來言諸新學者我欲皆使逮得是法寶來曰欲得空定者當行

九法一者當定十方人悉令作菩薩二者見諸惡意令心不起是爲定三者視五道勤苦悉欲脫之是爲定四者於癡徑中不起吾我是爲定五者視諸不明悉欲令明是爲定六者所作功德悉令不失是爲定七者視十方人皆等是爲定八者觀當來過去諸可意生勿復作識是爲定九者使諸佛刹人悉志菩薩意不動轉從是疾得三昧是爲定彌勒菩薩白佛言今在會者誰不發阿耨多羅三藐三菩提心佛語彌勒昔沙呵樓陀佛時我初發意爲垢所蓋不得大慧但聞菩薩謂發意當得其處也但想空不得蓋師不得惱拘舍羅遠離善知識爲欲王所欺音著不斷失波羅蜜沒六十二劫後與法自然佛會斷我諸疑惑得本無立於空中諸根卽斷見於慧門得無動之形從是轉行使斷法輪便從正覺受是三昧雖六十二劫發意於法無益後與法自然佛會便得大樹乃更發意發意時有九十億人俱共發心求阿耨多羅三耶三菩提彌勒菩薩白佛言初發意者有幾法佛言有九法一者遠離衆會常志寂靜二者得善知識從受法不失三者遠惡知識不與從事四者當遠離五事一者惡沙門二者惡婆羅門三者惡黃門四者

惡牛惡馬五者蛇虺毒蟲此五者不當與從事未得道須令人入泥犁以故當遠之五者初發意求羅漢辟支佛心者當遠之當覺諸魔事不當與共事也六者但夢中見佛說深法七者但爲法發意不在飲食八者不當數聚會有所希望九者當等心於十方等心於三昧志欲坐佛座不恐怖是爲九法佛說是時六萬愛欲天子皆得是三昧諸天飛在空中悉言善哉善哉得聞是法福德無量彌勒菩薩白佛言是諸天子得聞是法自持功德持佛威神耶佛言是諸天子今聞是者宿命以事二萬佛供養舍利如須彌山雖有是福無益於泥洹今聞是三昧起壞前福所以者何前世所植福皆有生滅今是三昧以空壞有彌勒又言聞是三昧者後得無復壞滅耶佛言是三昧終不可壞所以者何三昧無名處無想處無念處無形處無識處無威神處無有結行末脫處三昧清淨是不到彼彼不到是無有願想非想處無有造作於化無有形處無生死斷無斷處但有名但有響但有聞慧之處慧無所到無作器是故不可壞不可滅無色處於欲無作識處無起行處不受衆味無有形無出無入無生處無應處寂然無動無邊幅不可壞敗

經

佛說法華經卷之三

四

欲敗壞者是大癡根生死之門也又舍利弗有五不  
 直不當與從事一者不當處法有二二者不當於法  
 有所起三者不當現諸法是非無有名者四者不當  
 於當來過去有所見五者諸法不可斷是爲五菩薩  
 得是無去來之法者疾得阿耨多羅三耶三菩提須  
 菩提白佛言若有念苦樂者則不離於苦樂是則爲  
 二法菩薩者不中離不上離不脫離不中無所離於  
 所作遠無作是爲作所起如幻以幻脫幻幻中無幻  
 幻中無名如是亦不從法得度亦不離法得度於脫  
 中復脫是爲無有主但有名耳於字無知名者是爲  
 法輪斷舍利弗言法輪本清淨無所有誰有斷輪者  
 寶來曰不知輪有處者是卽爲斷佛言貪可法者是  
 爲生死根滅法亦爲無結之作也無作之作是爲不  
 離作離貪諸可卽爲無有斷者無貪不起是卽道無  
 可不可無生不生無識不識無死不死無斷不斷無  
 遠不遠諸可不可所住無想離於無想所念無念所  
 說無所說泥洹無滅離於無滅泥洹無形離於無形  
 泥洹盡無所盡諸法寂然離於寂然諸法無可不  
 有所失於慧離本非名無想所明無所明於明冥無  
 相知者癡慧無相入者於道無有得道者若苦若樂

經

卷三

三

大

無相識者所起無所想於清淨無難易所度無有至  
所至無相離者諸法非名離於非名所度如流水於  
名無轉者如是者皆卽道也佛以三昧度如人意以  
萬物自莊嚴但莊嚴無形莊嚴倒見莊嚴諸可意王  
莊嚴是想非想耳文殊師利菩薩白佛言此諸天人  
來在會者有幾所人得是三昧佛語文殊今是會者  
諸天及人一切普悉得是三昧逮是功德悉當作佛  
當受尊決斷於五道爾時會者聞佛所語八千億諸  
天及人悉得無所從生法忍卽昇虛空去地三百丈  
其身上各有萬億華香却乃來下稽首佛足阿樓苦

薩呵提菩薩從座起白佛言是諸上人飛在空中身  
上華香從何所出佛言譬如淨帛本自淨潔在所染  
之五色鮮好帛本自淨色本亦淨二物因緣故得明  
好色亦不入帛帛亦不入色以淨因緣而得發明菩  
薩清淨故致華香其所因緣亦復如是菩薩亦不在  
華香中華香亦不著菩薩諸天及人得斷念想逮明  
慧法便有華見用華淨故因緣興耳法亦如是無住  
者成諸功德住想行者開生死門羅漢辟支佛所以  
由遠五道者但用十倒見故一者見諸功德悉言脫  
者悉爲倒見二者見五道勤苦欲取泥洹是爲倒見

經

佛說華嚴經卷之四

大

大

三者見萬物無常欲疾離之是爲倒見四者求安本  
 自無本是爲倒見五者知出無間入無處世自無出  
 求之不止是爲倒見六者羅漢取泥洹時身中自火  
 出火亦無處便起想出身中火自燒者故知生死不  
 斷是爲倒見七者本末不可盡而自求盡是爲倒見  
 八者欲於泥洹滅盡諸惡不知無生及欲滅之是爲  
 倒見九者所施與不發一切人意但欲法不斷是爲  
 倒見十者於苦於樂不等淨行言有二法是爲倒見  
 行菩薩道當知是事而疾離之佛語阿樓菩薩摩提  
 菩薩等今是諸天及在會人皆是往昔阿呵耨佛時  
 人也今於我前悉剃之者宿命已於六萬佛所受是  
 三昧今故於此而剃之耳却後我法欲斷絕時是等  
 當有四十萬人當持法住令不斷絕然後久久有惡  
 沙門若壞戒人當壞我法須菩提白佛言何所菩薩  
 護法令不斷絕佛語須菩提是四十萬菩薩悉住第  
 八已下於法無煩苛之想是爲護持法令不斷絕也  
 須菩提白佛言何等爲壞法者願佛說之佛告須菩提  
 若有得羅漢辟支佛若沙門及天與人起想煩苛  
 於法求名壞亂本慧妄增減法枝敍解說以僞錯真  
 以辯亂道不惟空慧而務嚴飾聞佛可得志存超獲

901

2 3

4 5

6 7

8 9

201

1 2

3 4

5 6

7 8

9 201

1 2

3 4

5 6

7 8

9 201

不知溫惀拘舍羅而不勤植德行爲是法賊破我道者也阿須夷天潘那提天提天樓尼天拘屬提天施那利天俱白佛言願持形壽歸持法者千億萬劫無休息時常令我等得是三昧佛言其有德人奉行三昧如法不失則得佛疾其有發意行是三昧者譬如泥洹天上有寶諸寶中王天上天下寶中最尊有佛在世寶乃現耳名日精摩尼珠有得是珠持著器中若著手中視之四面空中在欲得幾日雨珠寶所向莫不如願是尊寶珠不當貪惜當雨三界普令獲寶是三昧者德亦如是也羅閱祇王白佛言佛者尊祐世之大道常有大慈救濟十方願以寶珠雨我國界得令人臣一得福利佛則時笑神光暉暉阿難正服前白佛言佛不妄笑願聞其意佛語阿難見是王不欲得泥洹天上寶珠雨羅閱祇使普富饒不知寶來三昧已得是寶也佛語王言寧見人民百日不食普得安隱以法爲味又諸女人化爲男子是法之利不亦大乎王心歡悅卽脫珠寶以散佛上及菩薩上化成華蓋列在空中其間悉有百千音樂王倍踊躍忘食之想王白佛言是華蓋者從何而出佛言從無處出又問無處從何出佛言從無起來又問無所起從

何所來佛言從無所生來又問無所生從何來佛言  
 從不動來又問不動從何所來答曰從無造來又問  
 無造從何所來曰從無名來又問無名從何所來曰  
 從無生來又問無生從何所來曰從無音來又問無  
 音從何所來曰從無二來又問無二從何所來曰從  
 無形來又問無形從何所來曰從自然來又問自然  
 從何所來曰從化來又問化從何所來曰離於化來  
 又問離化從何所來曰離於不化無無相知處來又  
 問無相知處從何所來佛言以是故爲諸法也王聞  
 佛語倍大歡喜白佛言此諸菩薩從遠方來願悉請  
 之明日到宮佛卽許之皆受其請王卽還宮莊嚴供  
 具夾道施帳幢旛祭麗宮中皆以珍寶作座夫人婦  
 女齋戒盡敬明日文殊及寶來等與諸菩薩俱詣王  
 宮寶來菩薩讓文殊曰今諸上人宜於前入諸菩薩  
 言於慧無處於意無形於念無想於法無所施不離  
 道已斷於法輪於法無念想無多少如是者故爲尊  
 多入於權於薩芸若無相知者已被法鎧於三昧無  
 增減是則爲尊故宜處前寶來菩薩答曰今諸上人  
 年耆德高以故爲尊宜在前入諸菩薩言我等之年  
 亦如枯樹根本已死無有華葉歟於蔭覆於世爲薄

仁者雖幼入慧甚深譬如寶樹益世弘多以故爲尊  
故宜在前既皆入宮就座而坐諸天在上以樂之王  
使夫人及諸姝女燒衆名香進奉供具飯食畢訖王  
問寶來曰今欲得見十方佛我當行何法而得見之  
寶來曰欲見諸佛當行九法一者視十方佛與是無  
異二者當視道無有徑三者視一切無有脫者四者  
當視飯食如化所見五者當知五陰無有識想六者  
當知六情觀之如幻七者當知所觀但是倒見八者  
於法中大施與九者當知所施無所施是爲九也空  
其意等所視無彼此志寂然得淨定無所見則普見

佛爾時讚寶來曰快哉快哉審如所說佛說頌曰

常當願是劫	所生常遇尊	從受大智慧
常除愛欲根	不貪亦不疾	惡意不復生
乃於無數佛	得聞是三昧	入於三千刹
當行尊三昧	不於一切人	所有諸珍寶
法不從五陰	亦不離其處	從觀得脫名
一切皆如是	從觀得歡喜	發意無所至
其處已如是	是爲天中天	若在三界中
不生亦不死	泥洹及泥曰	一切無有是
意不當邪念	所行作非法	若在三界中

經

佛說法華經卷第十一

十一

持心令不起 音響有還答 內外悉相應  
 不起悉寂然 諸法亦如是 三千諸佛刹  
 名字悉如是 無聞亦無見 非法所當議  
 三昧不校計 以數持作多 慧者解是言  
 得佛無常處 法者悉清淨 曠大無有雙  
 常作無邊水 所載數三千 意願陀隣尼  
 發意無有前 法者已如是 一切常奉行  
 我念求法時 從來若干劫 志意常棄家  
 於欲無所求 常依善知識 得立正法住  
 是時於大會 得聞尊三昧 志意大歡喜

卽住虛空中 去地百四十丈 叉手在佛前  
 令坐諸菩薩 受刻亦如是 其意增歡喜  
 得聞諸三昧 便從一佛刹 飛到諸佛前  
 不動亦不搖 震動諸刹中 龍王大歡喜  
 卽雨萬種香 化爲諸水池 上到三千中  
 華香自然來 亂風自然生 百種諸音樂  
 悉住於空中

於是寶來菩薩問文殊師利言今此香華從他刹來及諸音樂來在會中爲佛威神將菩薩力耶文殊答曰佛及菩薩得力神變皆不可見知是樂者無名之

樂有所在處法音無名處若樂是樂處所有如化是  
 樂無二法是樂於羅漢辟支佛悉欲受之是樂所見  
 異道悉欲令得佛是樂所度無有主是樂一切處無  
 處所無起於三昧無煩苛是樂一切處無有名是樂  
 諸所有皆如化是樂非音處無所生處是樂法所施  
 無所施是樂大千刹中無常處是卽樂一切人今得  
 信無所得是其樂當來過去現在三處盡無所盡是  
 樂令還本無所見是樂見法輪是爲無所見是樂三  
 千刹中一切等是樂十方三千樹法之藏是樂十方  
 刹但有名是樂色欲合是樂於名字無有主是樂無

邊幅一切寂是樂一切明與冥合是樂諸所行不失  
 戒是樂諸所合不離三昧是樂虛空寶度無極是樂  
 諸慧覺無有處是樂諸所可是樂一切決無受者是  
 樂三界中無與等是樂貪於法不惜命是樂一切明  
 令復明是樂諸所有但倒見見正者是樂布施無所  
 希望是樂意無極作大船師是樂無邊圓脫無極是  
 樂意寂靜是樂無所定是樂諸三昧門無倒者是樂  
 亦無聽亦無聞是樂諸所念非正意是樂一切人無  
 脱者是樂諸所度譬若幻是樂初發意三昧俱是樂  
 諸菩薩所從來無有處是樂諸菩薩在意生到十方

經

佛說無量寶來菩薩說頌卷下

三

十八

是樂非青黃白黑無道徑是樂如是寶來欲知佛及  
菩薩威神音樂所樂如是寶來菩薩說頌言

文殊師利意 慧尊無有前 所施救三千  
其智莫不尊 威神所施行 悉除三千中  
諸樂無所欲 但爲不脫施 法樂爲最大  
於化無度者 所施樂法與 若空無度者  
法與樂俱行 無有過是寶 所樂不有王  
若空無處所 深入諸微妙 喬天一切人  
使之得大法 斷滅勤苦根 一切世間人  
悉有意不解 以法爲覺意 以慧救一切

佛爾時遙爲寶來菩薩說頌曰

離空非想	是想非空	於法不起
卽爲是起	常當輕意	淨無所有
色欲同合	無相入者	所說無形
不離有形	同法如夢	所可無底
是寂離寂	無離不造	衆法無主
所可如化	都無所受	法無所捨
所作倒見	一切皆然	非色離色
是色不離	其法如色	其處如是
非音是響	無聞不見	不聽不觀

所有如是  
於化無名  
自言爲是  
法無是計  
所度如是  
於幻無見  
所見離見  
離食諸欲  
非法所儀  
於欲無垢  
不著無離  
如是諦見  
無有見者  
於淨離淨  
十方無造  
所可若寶  
如化無主

寶來菩薩知佛所說便於宮中說頌曰  
疑本不解  
謂法皆然  
本無常住  
疑惑如是  
於想無勞  
識念無苦  
舉名住字  
非求法者  
於本不爾

不還不是  
所可無可  
遠離無可  
脫生無滅  
是卽爲滅  
於滅無想  
是爲非滅  
於法無生  
亦不想成  
所以者何  
諸法皆空  
所以者何  
本末淨故  
我離泥洹  
舉之爲證  
有言是我  
不盡十方  
不當遠念  
念於十方  
是卽爲證  
法無二法  
卽得無名  
法非思想  
可當逮者  
起行如是  
不見尊法  
要當解慧  
於妙不恐  
染行不生

可謂慧門

伊計并林寶三時經元

古

寶來菩薩問文殊師利今在會中新發意者我欲使得無極法當何以致之文殊答曰於想無作卽得無極法又問何謂無想作者文殊言當逮九法寶一者意無處所是卽寶二者觀法無主是卽寶三者不見有當來過去是卽寶四者於法無有造作者是卽寶五者所施但施經法是卽寶六者見五道勤苦於其中不轉是卽寶七者所覺不遠漚忍拘舍羅是卽寶八者直見諸法不處法有二是卽寶九者到於泥洹亦如化是卽寶是爲九法寶於是文殊師利說偈曰

於可無所欲 所住無常名 若空無有垢  
 佛笑無不可 笑空不離末 如本無笑者  
 已住諸法名 一切皆如笑 法者皆是一  
 已笑便有二 於二無名字 是故爲是尊  
 所笑無所著 但爲衆法施 所動無所動  
 是故無上尊 笑者無還報 一切無有主  
 其笑不離本 是故天中天 笑者無所起  
 但爲倒見耳 於法悉寂然 寂者本無故  
 笑者不離化 以化大施與 於化無舉名  
 是故乃爲法 於法無有是 但爲不脫施

所脫不爲脫 佛者亦如是 故於大會中

議度無度者 於法作施與 無有與比者

舍利弗問寶來曰欲使十方一切學者皆得總持諸陀隣尼修行何法當得致之寶來曰當行三十二法寶一者欲使一切未發意者皆當度之如化無礙二者未發無上正真道意者皆令住正法三者視三千大千刹土等無異四者若住限者令遠離衆欲在於慧門無動無轉得至泥洹五者人說有天無天志不動還六者志道堅固意不怯弱七者一切無來受生者視當來過去無有二八者觀諸三昧禪寂然無處

所九者諸所度無有主一切從空致空十者三千大千諸佛我悉從受法十一者他方刹土敢有來聽經者悉令得決十二者諸佛刹土所有華香來者亦不喜不來者亦不求十三者諸發意者使得法住十四者當來過去意無增減所以者何知本無二故十五者悉欲令十方蜎飛蠕動奉持禁戒終無毀犯十六者無有邪念在於十方轉意還本則向慧門十七者無所不忍常無恥恨十八者從觀至觀無有度者十九者如本無住無常住處二十者所度無有主如空無念想二十一者於慧作施與無有舉名者於欲無

所著便從是得脫二十二者所說不離對因作施與  
故於大國衆中度無脫者二十三者於無數刹飛到  
他刹在諸佛前無所罣礙二十四者視諸刹等無得  
脫者二十五者淨礙同合本淨無異二十六者住大  
千中主作橋梁勸進未覺令冥見明二十七者於大  
海中作大船師度諸羣生無有厭極二十八者作無  
邊蓋閉塞衆垢二十九者作無極慧不離十方三十  
者作大慈哀包潤一切諸未度者悉當度之故號之  
曰天中之天三十一者常行等心無有偏適救濟無  
雙故號無上尊祐三十二者菩薩所說不離經法遍

大千刹中莫不等聞是故空中自然生華是爲菩薩  
三十二法寶於是寶來菩薩說頌曰

十方普如化 一切皆無常 真法正諦寂  
演說度衆生 有想不離想 一切寶本空  
若華未施葉 其色不可當 一切所衆欲  
立之可意王 諸寶無上尊 號爲天中天  
故於大會中 議度無脫者 其本無常住  
故字十力尊 一切爲倒見 世間謂之冥  
所可若能化 能脫十方中 虛空無常處  
佛藏悉在中 以脫無脫者 故教十方人

十方諸佛刹 合之爲一國 自然衆大會  
 悉滿十方中 佛者一切覺 笑不離其容  
 不離黃金色 以示未脫人 十方爲作導  
 意不離法王 所施無所施 華布於十方  
 金色大蓮華 遍滿諸空中 起想而作行  
 不住諸天中 文殊師利意 嘉大無有雙  
 使得道別者 住在虛空中 寶來慧意尊  
 光明遍宮中 可意諸天人 悉得到法門  
 十方諸菩薩 感動諸刹中 今會諸天子  
 得聞是尊經 徹見諸一切 乃到可意宮

化爲交露座 萬種天華香 聽受諸三昧  
 坐觀大衆中 諸來宿功德 發意供養尊  
 尊者不見有 所有皆如是 諸脫無有數  
 三界不可極

文殊師利菩薩問寶來曰衆音如化所作法無想亦  
 不可盡故有自然當以何脫之寶來答曰有九法寶  
 一者自然無處亦如化二者諸法無處亦如化三者  
 當來無處亦如化四者諸所有世處亦如化五者觀  
 過去處亦如化六者觀見諸法如幻耳亦無有處亦  
 如化七者所可無處亦如化八者得道無脫處亦如

1 2 3 4 5 6 7 8 9 20 1 2 3 4 5 6 7 8 9 20

化九者得於泥洹本無住處亦如化是爲九法可得  
 脫慧文殊又問過於泥洹皆亦自然誰爲是化本者  
 誰是化主者化爲有本無化有所起處無道爲有處  
 無實來答曰有九法知化無處一者非道無處是則  
 化二者化非處無想是則化三者化者無起化處無  
 處是則化四者常名所有無盡時是則化五者化處  
 無處是則化六者於道無想是則化七者化者於起  
 無起是則化八者化者於諸欲無有處是則化九者  
 化者於所度無所處是則化是爲九法知化本於是  
 文殊師利又說頌答曰

十方無化者	化化無有形	一切無常寶
是故爲化主	道者不化得	亦不離其處
所說無常形	自然在其處	諸寶從化得
本離從無有	其本因化生	是故人中尊
欲者從化起	法本無有是	化而住五道
無有見化主	生死及五道	與化不相連
以世貪不斷	故現正覺耳	如來及化生
十方尊無極	持化大其世	世間無知者
法輪無色轉	於化無轉者	繫色有思想
深法無轉者	想色化十方	莫不受法者

1 2 3 4 5 6 7 8 9 20 1 2 3 4 5 6 7 8 9 20

所施大智慧 世間無說者 諸欲及羅漢  
 不逮覺是寶 故於衆會中 廣說無二寶  
 智慧不可極 光明最無有 十方作橋梁  
 所說無有二 十方諸佛刹 悉令爲平等  
 亦不使其人 發意有異心 十方諸法園  
 一切法度垢 亦不從世間 於法無脫者  
 於慧無有脫 不見往來者 於寂復見寂  
 明中復見明 法者悲慧得 自然本無是  
 慧冥俱同合 故無相識者 痴慧不同合  
 其慧衆冥明 所施但爲法 如華在高山

諸惡不可極 色欲不可盡 泥洹及生死  
 一切皆如是 十方諸佛慧 無知無覺者  
 所以見淨法 故言世無有

曇摩菩薩復問寶來菩薩言於化無起離誰爲成王者泥洹不生滅不違五道當來發意轉住法輪淨無諸垢一切衆生誰爲度者寶來答曰快哉所問欲決一切生死之根乃如是乎菩薩有九法寶一者於化化生無主二者於泥洹與生死初無相知者三者於生死於滅無滅四者一切天上使不還生無生處五者當起意未起意如處住六者三千大千佛刹觀了

1 2 3 4 5 6 7 8 9 20 1 2 3 4 5 6 7 8 9 20

續

卷之三

三

無得度者七者於念無起處八者悉使三千佛刹皆  
取泥洹意亦不喜不取泥洹意亦不瞋所以者何諸  
法無處故九者隨願取羅漢我悉令發意若有發意  
求願者不令復還不起諸生無有還願是爲九法又  
說偈言

於可無不可 於欲無所欲 所度無見者  
法輪無常處 慧者無所說 因度無往者  
故見大正法 世之最無有 道者無常名  
故爲十方寶 以得無得者 生死無有道  
四馬不可盡 可意無有足 世間悉樂之

不捨不得道 畏生無有脫 不畏無脫者  
生死當舉名 立之爲五道 有報無答者  
可謂爲是法 法者本無二 所有諦以覺  
無邊亦無幅 無極不可計 本際如影響  
無有往來者 於起無所起 法無諸欲者  
生死本無處 生死化如是 於淨無有淨  
於垢無有垢 悉爲十方人 斷絕諸五道  
淨意若如水 一切無瑕垢 青黃及白黑  
悉得見其形 諸法不可呵 卽得無上寶  
吾我及與人 世間無得者 不住無住諦

1 2 3 4 5 6 7 8 9 10 1 2 3 4 5 6 7 8 9 10

所有諦如是 所覺無所見 世間諦如是  
不度無不度 世時誰不有 十方立正覺  
悉得無上寶

曇摩菩薩問寶來菩薩言欲使十方諸天人民自然  
皆令得如其處當得何等法得致之乎寶來答曰有  
六事得逮是法一者聞如是會時是卽爲寶二者得  
聞是經是卽爲寶三者還本功德是卽爲寶四者得  
聞是經法者悉得六萬三昧是卽爲寶五者已得六  
萬三昧欲十方人發無上意是卽爲寶六者皆使十  
方悉得會於佛樹是卽爲寶說是經時九十億菩薩

六十七億諸天人民皆得無所從生法處九億菩薩  
得是三昧三千大千佛刹六反震動諸天於空中大  
作娛樂諸龍阿須倫皆得聞見是深三昧阿難正衣  
服長跪白佛言是名何經云何奉持佛語阿難是名  
爲無極寶當奉持之佛說經已諸天人阿須倫人非  
人皆歡喜各前爲佛作禮而去

佛說無極寶三昧經卷下

音釋

虺許偉切蠻也  
似蛇而小

暉

睥

睥于鬼切

睥

光明盛貌

貌

鑑

可亥切

甲也

乳堯切

柔也

1 2 3 4 5 6 7 8 9 20 1 2 3 4 5 6 7 8 9 20

紙

傳記全書卷二中篇

吳江居士周祇施資刻此

佛說無極寶三昧經下卷

吳江居士了初對吳門徐普書進賢洪以信刻

萬曆甲辰孟春月徑山寂照庵識

寶如來三昧經卷上

東晉西域三藏祇多蜜譯

聞如是一時佛在羅閱祇竹園中時與千二百五十  
比丘僧菩薩有九十億人悉皆如文殊師利是時羅  
閱國及竹園四面廣縱上到三十六天下到無極佛  
刹地悉生文陀敗華悉有九十萬億種色色各異  
非世之明一華有百萬葉葉上悉有一怛薩阿竭悉  
有瓊珞萬寶之蓋一蓋之上各各有萬種之音樂聲  
相娛樂一佛前各各有一菩薩如文殊師利菩薩等  
問事是時竹園地悉平等如三彌佛刹是三千日月

諸佛境界光明悉蔽隱無有明一時諸佛境界諸大  
泥犁毒痛勤苦悉爲不行皆得安隱百日悉得見十  
方佛當是時禽獸飛鳥悉百日不飯食但聽法味耳  
不自知是畜生亦復見佛爾時羅閱國中人民悉百  
日無復食五味者悉以法作味皆發阿耨多羅三耶  
三菩提三千大千佛境界樹木自有音樂自復相娛  
樂是時竹園化作水池池中有十萬種蓮華大如小  
山一華有四十萬葉葉上悉有交露師子座一座上  
各各有一菩薩如文殊師利一座前各各有天侍菩  
薩交露帳間各各有萬種音樂相娛樂千歲枯死樹  
悉爲生華三千大千佛刹諸樹悉爲屈枝四面相向  
是時竹園佛教導處女人悉化爲男子無有愛欲悉  
得法眼佛爾時爲廣大現寶如來三昧卽動九億萬  
佛刹土爾時三昧都無所捨有東方無極佛刹土遣  
無數菩薩悉如如來等各各自持無形之華十萬種  
異色之華來到竹園爲正覺作禮以華散正覺上却  
就坐復有南方無極佛國土復遣無數菩薩悉如如  
來各各持二十萬種華來到竹園中爲正覺作禮以  
華散正覺上却坐復有西方無極佛刹復各各遣無  
數菩薩悉如如來等各各復持三十萬種異色華來

到竹園爲正覺作禮以華散衆會上却坐復有北方無極佛刹亦復遣無數菩薩悉如如來等各各復持異色四十萬種之華來到竹園爲正覺作禮以華散衆會上却坐復有東角佛刹復遣無數菩薩悉如如來等各各持無形華來到竹園爲正覺作禮以華散佛及衆會上却坐復有南角佛刹亦復遣無數菩薩悉如如來等各各持無想欲之華來到竹園爲正覺作禮以華散正覺及大會却坐復有西角無數佛刹復遣無數菩薩悉如如來等各各持無響之華來到竹園爲正覺作禮以華散佛及大會却坐復有北角無極佛刹遣無數菩薩悉如如來等各各持文尼之華來到竹園爲佛作禮以華散佛上及衆會却坐復有上方無極佛刹各各復遣無數菩薩悉如如來等各各持亂色之華來到竹園爲正覺作禮以華散正覺及大會却坐下方無數佛刹各各遣無數菩薩悉如如來等各各持諸妙華來到竹園爲正覺作禮以華散正覺及大會却坐上方諸天宿命功德甚尊遇佛大會曠大寶如來三昧各自莊嚴天上諸天子皆令初發意梵天將無數天各各持天香天華梵多會天復將無數天各各持天上雜華香徧淨天持非

1 2 3 4 5 6 7 8 9 20

1 2 3 4 5 6 7 8 9 20

21

世間名華諸尊天盡持天上妓樂在虛空中立樂之  
三千大千悉以法音晝夜百日如是受之來到竹園  
爲佛作禮愛欲天子復將無數天子各各持天妓樂  
來到竹園爲佛作禮於虛空中娛樂諸天迦翼天上  
諸天持千萬種雜香以散佛上及諸菩薩上爲佛作  
禮盡天上諸天悉來會竹園中上到三十六天中間  
無缺悉諸天子諸大龍王各各復將無數官屬持世  
間人所不能得華以雨竹園諸阿須倫王各各復將  
無數官屬各各持雜華以雨佛上及諸菩薩上諸迦  
樓羅各復將無數官屬來到竹園諸真陀羅各各復  
將無數官屬來到竹園諸摩睺勒復將官屬來到竹  
園佛爾時現寶如來三昧卽動九億萬佛刹舍利弗  
見地大動舍利弗白佛言今諸遠方菩薩諸天人民  
悉會上到三十六天地爲大動是何等應佛告舍利  
弗無應之應是其應舍利弗復白天中天言無應之  
應是何應是何等佛告舍利弗若疑不斷若往到寶  
如來菩薩所舍利弗正衣服禮如來若干過又手白  
如來言今日諸十方上到三十六天百千億佛刹菩  
薩悉會何等之應願如來說之如來謂舍利弗言若  
阿羅漢本疑大重故來解耶如來菩薩言舍利弗若

常有想想者非盡之作無想無作是故寶法如來告舍利弗我初發意時與三十六億人求菩薩道正覺時亦在其中一切悉起我不作諸悉作我不念空法悉無我無求生生死死無道無有斷者虛空無主我非所有現法譬若野馬無相起作持是作法滅行求願想欲得是爲壞重者罪之明白言得道起想罪想壞滅諸慧求得三尊從是作想取泥洹疑盡滅身然生死不斷言得泥洹羅漢譬如命盡之人其身在牀一時得聞須臾休息命盡猶不離於身羅漢辟支佛自得禪是非大積疑耶如來謂舍利弗佛所問乃爾

如來謂舍利弗言若當見龍欲作雨起雲時不舍利弗言見之四面不知雲所從來何沈菩薩從第九以下悉得逮六萬三昧何道菩薩所從來處舍利弗白如來言解慧如是心意疑結今悉破壞都無復有疑根但學本不得善知識相得今故斷滅我意今我不脫法輪令我疑根不絕耳今我聞尊法無所益譬如爲百鳥作音樂會無有聽受知者如是但當爲座中新發意諸摩訶薩故令大會諸天及人得聞是尊三昧何巍巍乃爾但當親近尊但我前世不與善知識相得故令我不得見是三昧如來慧如是心意所

1 2 3 4 5 6 7 8 9 210

疑今散解譬如冥處須臾以火明之火滅冥復在處  
今我聞之如是舍利弗又手白如來言今乞得作八  
千里大火上到三十六天持我身置其中億萬劫後  
出復入三惡道爲天下人所噉食數千億劫後生作  
人如奴事大夫求善知識相得求我心中所願可得  
不寶如來言大火上至三十六天尚可澆滅若本發  
意微薄功德無厚覺本不得薩芸若不得漚惒拘舍  
羅不得善知識故不致是耳舍利弗問事竟還坐如  
來正衣服爲正覺作禮願欲有所問佛言善哉善哉  
當問如來白佛言諸法無主誰爲成薩芸若者誰爲  
成正覺者誰爲成阿羅漢辟支佛者願怛薩阿竭當  
爲座中諸摩訶薩分別其決佛言善哉善哉如來乃  
欲決斷十方大生死根若有善男子善女人欲使發  
阿耨多羅三耶三菩提當行九法寶何等爲九法寶  
一者見諸天無有處但有名耳二寶者世間人民但  
有字耳三寶者五道勤苦但有苦習耳四寶者水火  
風地但有虧耳五者當來過去現在如芭蕉無想六  
者現生死無本際也七者觀諸三昧寂然無有往來  
者也八者當觀三千大千日月諸佛刹土見之了無  
得三昧者九者見三千大千日月中人民蠕動悉欲

度之令與佛等佛告如來得是無作之想者即可決  
 斷十方之大想如來復白正覺言諸法不以想見知  
 之當作何等住得無所住法佛言諸法無住是卽爲  
 想無起之念是亦復爲想非想非道亦復爲想斷求  
 之作如來白天中天言當作何緣度衆欲佛言善哉  
 善哉如來所問乃爾故非羅漢辟支佛所及者衆欲  
 無垢衆欲無過度衆欲無王衆欲無往來者衆欲如  
 虛空無有能蔽隱者與泥洹等與無名等如來問事  
 競爲天中天作禮却坐般施白佛言今日大會菩薩  
 欲於佛樹欲得無所從生處立欲得莊嚴千億佛刹  
 土欲得教授十方悉使十方諸佛刹土各如今日會  
 竹園中時佛言善哉善哉般施菩薩所問甚深甚深  
 佛語般施菩薩言欲得使十方大會欲坐於佛樹欲  
 得無所從生處立欲得莊嚴諸佛刹土欲得教授十  
 方悉使諸佛刹土各自會如今日會竹園中時者當  
 行八直一者直無名之響二者直無名之聲三者直  
 觀十方佛刹土無有二四者直見三千大千刹土之  
 法皆同無相離者五者直觀十方一切欲令與佛等  
 六者直於法無作形見一切不生死者七者所見直  
 悉入諸三昧藏於無住相報之想八者直見十方佛

泥洹不泥洹亦復悉等是爲八直法行菩薩從是疾得無所從生法從是得教授諸佛刹土從是疾得大會竹園如今日會時如來復白正覺言今日遠方悉來會竹園悉得見佛如其處是歡喜不食若干日各自是諸菩薩諸天及人民皆得見佛皆見諸三昧是其本願所致耶佛當爲新發意摩訶薩解說如是佛言善哉善哉如來所問甚深悉欲爲諸來會菩薩新發意諸天人民作橋梁如是佛語如來是今日諸菩薩摩訶薩諸天人民大龍王諸鬼神王悉來會竹園者皆聞見是三昧亦非本願亦不離於本願所行

常精進不失三昧不失善知識世世遠衆事寂然  
不數會但願是三昧今故以寶精泥洹珠以雨大會  
耳如來白正覺言今會有新發意摩訶薩欲行是三  
昧當何以致之佛言如來所問甚快若新發意摩訶  
薩欲行是三昧當行入法寶何等爲八法寶一者卽  
於佛前是三昧是爲一法寶二法寶者供養十方諸  
羅漢從其相隨億億萬劫一時聞是卽解親近尊三  
昧不遠是爲二法寶三者供養舍利從上至三十六  
天中無空缺無益一時也轉意作行卽向慧門是爲  
三法寶四法寶者得四無所畏不與十方於生死無

經  
寶文牙三昧經卷上

200

所遠離是爲四法寶五法寶者菩薩見五道勤苦心  
意欲悉正度之以其身救之命不用作勤劇趣令得  
佛耳是爲五法寶六法寶者菩薩事十方天下人當  
如奴事大夫不用作苦貴度之所以者何知本求無  
故本無所起故是爲六法寶七法寶者菩薩觀見九  
十六種道於其中覺知之欲起想取法住是爲七法  
寶八法寶者奉行六波羅蜜供養比丘僧供養億萬  
劫不如一時聞是寶如來三昧十方當作佛者用何  
爲證聞是寶如來三昧者卽十方人得佛證若新發  
意向是三昧歡喜解是三昧者卽爲已解六萬三昧  
爲已得如來三昧是爲八法寶令行是三昧即可得  
陀隣尼門如來問事竟還坐佛便笑文殊師利正衣  
服頭面著地又手爲佛作禮白佛言佛不妄笑旣笑  
當有意願佛說之佛語文殊師利言寶如來所從來  
佛刹過是九億萬佛國土其刹名曰諸法自然無狀  
敢有善男子善女人往者無有胞生者無有苦痛生  
者無恩愛生者悉於百億萬雜華香中生卽立住悉  
有辭音樂聲朝暮相娛樂但以無作法但以寂然法  
爲唱樂若善男子善女人聞是三昧卽却六百四十  
劫罪盡絕命卽得往生往生者但以諸三昧爲樂寶

1 2 3 4 5 6 7 8 9 200 1 2 3 4 5 6 7 8 9 200

經

寶古來三昧經卷上

如來刹無有日月光明雖有爲不現若有善男子善女人往生者日月光明星宿明卽爲現應是三昧當往生者星宿日月光明悉爲見十方佛言今日復往生寶如來刹十方諸菩薩問十方佛何以爲證十方佛言以星宿日月明見作證羅漢辟支佛其數如是非諸羅漢辟支佛所及知以往生其國中善男子善女人菩薩自知之耳我故笑也須菩提及舍利弗二第一賢者起頭面著地爲正覺作禮願佛加大恩廣大哀我等以佛威神神足與我我等欲到寶如來刹土諸法自然國觀須臾復還佛言善哉善哉舍利弗尊羅漢須菩提乘佛威神須臾卽到寶如來菩薩刹便復見寶如來國中亦復羅閱竹園如釋迦文佛會時也見東方遣無央數菩薩見南方無數菩薩十方上至三十六天會如是舍利弗問須菩提怛薩阿竭隨我人來到是刹也須菩提舍利弗須臾便還到竹園衆會如故佛問舍利弗向觀寶如來國土人民何類教授幾人須菩提舍利弗白佛言觀彼國悉如今日會竹園中時也舍利弗爲佛作禮佛功德甚尊今大會諸天人民得見明乃如是三彌勒菩薩從座起正衣服頭面著地爲佛作禮願欲所問佛言善哉善

1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

哉當問三彌勒菩薩白佛言無生之法有想無未起  
之想有識無泥洹寂然有無泥曰不起有形無無者  
在彼聞教生死立處誰是主者以空造空是爲主三  
彌勒聞佛解說是事如是卽時諸天及人八萬六千  
人卽得無所從生法忍卽住虛空中去地百六十丈  
來下爲佛作禮是時三千大千日月卽復大動彌勒  
菩薩從座起爲佛作禮問佛言向者地大動是何之  
應佛語彌勒菩薩言所以地大動者非但此刹動十  
方諸佛刹悉復動亦復各各八萬六千諸天及人得  
無所從生法住卽住虛空中如是以故地大動耳彌

勒白佛言何從致若有發意常當六法何等爲六一  
者知三十六天當得佛者未得荅者我當往荅之不  
與十方天下人共知之二法者三千大千日月中善  
男子善女人當得佛我悉當往荅之不與十方天下  
人共知之三法者百千泥犁中人當得佛者我悉當  
往荅之不與十方天下人共知之四法者十方人絕  
命當所生處我悉知之不與十方天下人共知之五  
法者十方天下人命盡我悉知之不與十方天下人  
共知之六法者十方諸佛當取泥洹不取泥洹者不  
與十方天下人共知之也是爲六法住從是疾得無

1 2 3 4 5 6 7 8 9 20 1 2 3 4 5 6 7 8 9 20

經

寶如意三昧經卷

所從生法忍彌勒菩薩復白佛言是三昧甚尊甚尊  
今我欲使來會者悉得是三昧當行何等法佛言當  
行九法何等爲九一法者視諸法悉清淨無邊二法  
者視天悉清淨三法者視諸生死亦清淨無邊四法  
者視五道悉清淨五法者於欲無所求悉清淨六法  
者視三界色悉清淨無有邊七法者見諸泥犁悉清  
淨無邊八法者觀視泥洹悉無邊九法者十方無有  
舉名者是爲九法作是行者疾得是三昧彌勒白佛  
言說是如來時卽得六萬三昧三昧乃有邊信福無  
如得六萬三昧是爲有邊幅耶佛言惟得六萬三昧  
但有名耳不可極盡三昧悉具足佛言三昧非但一  
輩有無念三昧有離欲三昧有坐聽十方佛三昧有  
莊嚴諸佛國土華香三昧有所說法一切人悉還本  
三昧有出諸欲無還想三昧有說經時化爲百種音  
樂聲三昧有說法億千萬佛國華香自然來三昧有  
伏諸魔三昧有發師子意獨行獨步三昧有所向處  
莫不發阿耨多羅三耶三菩三昧有所在處莫不供  
養者三昧有亂風一起時如佛說經聲三昧有所向  
門莫不開三昧有所處悉師子座爲現三昧有飛到  
十方三昧有所向門十方菩薩往來無極三昧有生

知十方人意三昧有壞滅諸想三昧有壞滅諸識三昧有合十方諸刹土合爲一刹三昧有發意不盡三昧有視三界中了不有一人三昧有從一佛國到一佛國三昧有所在處令法不斷絕三昧有所在處常與佛相遇三昧有坐觀十方大兵大火大水大風於其中不恐怖悉住教導之三昧有所在處但以法作器三昧有善男子善女人聞是三昧卽得住無還之想三昧是三昧大多不可極盡故住大會說之有無名三昧有住諸法三昧有名諸慧三昧有教法三昧有滅壞羅漢辟支佛三昧有法寶三昧有總持無名

法三昧有知人意三昧有斷諸煩苛三昧有制力欲覺三昧有十種力三昧有智慧三昧光明所行處三昧有不可計三昧有見法時如水中影三昧有不可盡淨慧三昧有人空衆惡無有無願想三昧有住禪乃到泥洹三昧有譬若金剛無穢三昧有無極明三昧有度諸煩苛已盡三昧有廣大水法三昧有莊嚴大船三昧有入無名三昧有不可盡喜意三昧有總持無忘三昧有在冥悉令明三昧有所樂悉樂三昧有慈行三昧有淨大哀三昧有入等心三昧有出等心三昧有名已脫未脫三昧有光明所從來處三昧

經

寶文苑三昧經卷一

才九

有曉無所不曉三昧有脫慧脫教三昧有金色蓮華爲現三昧有無離無常三昧有尊智慧無生三昧有勇猛無所不伏三昧有開闢諸刹三昧有清淨於無形三昧有無名珍寶三昧有如海無所不受三昧有神足廣大三昧有彈指頃無所不及三昧曇摩竭菩薩語舍利弗言所問慧住故曰不可極應時聞所聞如意不自貢高所作不妄常敬意如所教習慧用意無所受故不失禮節所作法不妄不亂意意如珍寶除諸老病以意爲法器也是爲樂忍辱所思但想諸所樂但法意慧不有足時所施無所惜與無適莫所問諦意觀歡喜無所得其意已悅身體悉爲輕意不在外道但欲聞法味及毗羅經但欲聞漚恕拘舍羅但欲聞四平等心但欲聞無底法如意無異念欲意受漚恕拘舍羅欲聞無所從生法不食觀但欲慈度之欲知無常聲欲知寂然之意欲知空復空欲知無想生死及布施一切不欲聞但欲聞音樂隨樂十方中忠信以作正降伏諸欲根曇摩竭菩薩從座起正衣服白佛言菩薩已得寶如來三昧自在所爲衆慧已具便得三寶何等爲三寶一者譬如水中影影亦不在水中亦不在水外菩薩於是間坐其身悉在十

方其身亦不在十方二者菩薩於是間坐分身悉現十方佛前坐其身亦不在十方佛前坐三者譬如山中呼響音聲還報音響亦不在中亦不在外菩薩於是坐悉遙說十方諸菩薩事十方諸菩薩亦無來到彼者彼亦無往者如是佛語曇摩竭菩薩已得陀隣尼門譬如持弓弩布矢在所欲射無所不到菩薩持一慧入萬慧靡所不至如是佛言曇摩竭菩薩若乃見阿須倫欲興兵時彈指頃兵便到二十八天中間無空缺菩薩以次第九以下說法時如是如來菩薩語舍利弗言淨者貪欲消伏其意無貪欲者是不可

盡其諸惡意者不能復亂其意護於惡意是故不可盡其意瞋恚有形欲貪高諸所不可索可作者菩薩常欲護是意知不可盡去無瞻諸垢當知是意不可盡護者不令懈怠當知其意不可盡其狂亂者輒以法護之當知是意不可極無智慧者欲護之當知其意不可極一切以法施與以法脫之當知其意不可盡欲教一切人皆令爲功德當知是意不可盡極如來語舍利弗言菩薩有四法何等爲四一者意作陀隣尼行不可盡二者陀隣尼行不可盡三者教一切人是不可盡四者不厭學問故陀隣尼不可盡如來

菩薩復語舍利弗復有四事不可極一者上脫中脫不可盡二者四馬之路不可極三者可意之王不可極四者十二因緣無有主不可盡極如是爲不可極如來菩薩語舍利弗復有八法不可盡何等爲八一者無我之語不可極二者無作之想不可極三者寂冥泥洹之語不可極四者菩薩所度不可極五者大海流水無有懈倦不可極六者衆惡無垢不可極七者苦痛之聲不可極入者去來之想不可極是爲八法所度無主不可極如來菩薩語舍利弗復有九法不可極何等爲九法一者諸佛刹土不可極二者諸

菩薩所從來處不可極三者發阿耨多羅三耶三菩提者不可極四者失願取羅漢辟支佛不可極五者十方菩薩從一佛刹土飛到一佛刹土不可極六者六波羅密不可極七者三昧不可極入者過於泥洹亦如化視之無極九者三界不可極是爲九法不可極如來語舍利弗言菩薩有三十二寶何謂三十二寶一者其心不著愛欲是忍辱不可極是卽爲寶二者不起是我非我亦無所造是故忍辱不可極是卽爲寶三者不念一切善惡是爲忍辱不可極是卽爲寶四者不恒心意於一切是爲忍辱不可極是卽爲



辱不可極是卽爲寶二十三者生於諸天教導諸天  
是爲忍辱不可極是卽爲寶二十四者生天上世間  
教兩道中不更三惡道是爲忍辱不可極是卽爲寶  
二十五者具足諸種好是爲忍辱不可極是卽爲寶  
二十六者得音如梵天聲是爲忍辱不可極是卽爲寶  
二十七者脫姪怒癡是爲忍辱不可極是卽爲寶  
寶二十八者不於諸色與名是爲忍辱不可極是卽爲寶  
二十九者所作功德不苦但欲起衆法耳是爲忍  
辱不可極是卽爲寶三十者降伏諸外道是爲忍辱  
寶三十九者已出衆病中是爲忍辱  
不可極是卽爲寶三十一者已出衆病中是爲忍辱

不可極是卽爲寶三十二者具足諸佛法使不傷毀  
是爲忍辱不可極是卽爲寶如來菩薩語舍利弗菩  
薩有三十二事爲寶如所入何謂三十二事一者欲  
入響欲入觀無所觀是卽寶二者欲入心離心於心  
無王是卽寶三者欲入身求脫本無脫者是卽寶四  
者不入十二因緣無有住者是卽寶五者欲入斷離  
於不斷是卽寶六者欲入無常視之無形是卽寶七  
者欲入無名主離於無名是卽寶八者欲入寂不離  
於起是卽寶九者欲入三界不離三界是卽寶十者  
欲入受無所受是卽寶十一者欲入當來過去亦出

當來過去是卽寶十二者欲入功德觀本末無主是  
 卽寶十三者欲入空空中空是卽寶十四者欲入無  
 相不起無相是卽寶十五者欲入願不起願是卽寶  
 十六者欲入空離想空是卽寶十七者欲入三昧無  
 有合者所以者何法無二法是卽寶十八者不以三  
 昧有所願生處是卽寶十九者三昧不爲一切諸法  
 作證是卽寶二十者欲入無生之道有度者是卽寶  
 二十一者欲入無生處是卽寶二十二者欲入不動  
 摑處是卽寶二十三者欲入一切無我不離無我是  
 卽寶二十四者欲與生死初無相知者是卽寶二十  
 五者欲與三昧初無所識者是卽寶二十六者欲入  
 相初相知者卽是寶二十七者欲狀欲意是卽寶二  
 十八者欲入不念無有是卽寶二十九者欲入諸陀  
 隘尼門無所不總是卽寶三十者欲入諸所作惡欲  
 不爲惡是卽寶三十一者欲入漚想拘舍羅以意作  
 法器是卽寶三十二者欲與萬事相應不相遠是卽  
 實佛語如來譬如若欲入城會從其門欲知因緣無  
 所諍欲知諍者不如自守欲知不欲語言者不如莫  
 那中居不動者勿得轉欲無希望者無所想是故等  
 不欲危者當正位謂至故欲有不異者當自守其家

寶文苑三庫卷九

能自守者不稱說不自高不自下者其人已具足故  
不欲咸者無而譴之者欲有所使者所作無所失得  
道亦如是無癡無癡者知本無故耳知本無者無所  
失故三世等無異三世無增減者不住色已不住色  
爲不住衆法也眼見色者但是眼眼精住是色也耳  
聞聲聲識無所住鼻聞香香識無所住舌所識味味  
亦無所住身知細滑識亦無所住意不知識識不知  
意無所住如本行無有想慧行諦諦如我無有我是  
我所非諸法見我但見無我名者慧不知諸所有亦  
不知慧欲不知習習不知慧慧不知身身不知慧苦

薩其心不離其心是非耶曇摩竭菩薩白佛言天中  
天道不與想合爲有合者無佛語菩薩諸法不以爲  
證但以音響爲法譬若人吹長笛音聲悲快與歌相  
入如歌氣笛氣合同一意出菩薩諸三昧亦如是諸  
法無生壞者亦離於壞戒諸化亦如是諸念亦如是  
諸覺亦如是諸生無名離於無名諸念無名離於無  
名諸化無名離於無名覺無諸名離於無名無處我  
不想之但無作之想爲離但以無作之作已爲作想  
想行寂然都教無所有法非欲一切皆然如來正衣  
服白正覺言諸法不起今復欲問如來曇摩竭菩薩

經  
寶文集三耶經卷一

向者所問欲決斷大疑各還本處佛語如來諸法若生處無有處若化處無有處諸法若覺處無覺處諸法若念處無念處如來菩薩白天中天言生生處有生處無化化處有化無無念處有念無無覺處有覺無如來言生生復生泥洹生是爲合怛薩阿竭意非合生生復生不生泥洹生是不合怛薩阿竭意是令化化復化泥洹化是爲合怛薩阿竭意非合化復化不化化泥洹化是爲不合怛薩阿竭意是念念念復念泥洹念是爲合怛薩阿竭意非合念念不念泥洹念是不合怛薩阿竭意是念覺覺復覺泥洹覺是爲合怛薩阿竭意不念覺覺復覺不覺泥洹覺是爲不合怛薩阿竭意是合文殊菩薩說偈言

法者無有生 合爲一剎耳 生生不復生  
 泥洹皆如是 化者從本無 化化無脫者  
 化與泥洹等 寂然無處所 念者本無識  
 發念因空耳 泥洹與念等 所念諦如是  
 覺覺平等等 所覺無所到 所覺無常住  
 是故怛薩竭 化處無有處 所覺無所到  
 若化無處所 諸法皆如是 生處有本無  
 無生是其處 化處無名處 一切爲三昧

經

寶文館

三

大

念處有念無 從空到是處 非本無所諦  
 其慧已如是 覺不行相連 覺不離其處  
 行從覺見識 離覺無有脫 所生法不絕  
 所在常如是 三千日月中 所明無有上  
 法有非思想 可得還行者 於欲不起垢  
 非空亦非想 如來意常淨 亦不處法名  
 所脫非常住 一切如本處 華香自然來  
 所出無處所 清淨意無處 所有皆悉爾  
 千歲枯樹生 皆從發意起 皆見大光明  
 世間最無有 虛空爲音樂 畫夜光明現

是時及大會 悉發菩薩意 人民大歡欣  
 皆得聞是經 卽動三千刹 得受不動身  
 寂然法爲現 無名是其應 何況世所有  
 一切皆如是 清淨不爲定 痴慧本無現  
 清癡合用本 慧本無脫者 三昧無所造  
 一切皆如是 菩薩住道地 在意所從生  
 五事不可親 今墮五道中 遠離如是行  
 得佛達十方 百日法爲時 奉行是三昧  
 皆從諸剎來 飛到怛薩前 諸天及國王  
 悉得見佛身 悉意大歡喜 身體爲悉輕

1 2 3 4 5 6 7 8 9 20 1 2 3 4 5 6 7 8 9 20

不當以色想 觀法有三千 般若毗羅經  
所處無三千 如來本發意 願不離十方  
常作大法國 所處無三千 三界及已上  
乃到忉利天 悉阿陀那佛 其號天中天  
發意到其國 須臾復來還 摩提那菩薩

飛到竹園中

舍利弗白如來言願復有所問如來所從來處刹土  
何類厚薄何如本願何如無極國土如來語舍利弗  
言本願無極無極國中悉菩薩無阿羅漢之名無女  
人之聲宮殿皆水精黃金爲樹白銀爲葉珊瑚瑪瑙  
爲寶銚鑽銚鑽非世所明諸菩薩皆生蓮華中如來  
語舍利弗言舍利弗我發願已來所度不還無願不  
極所願也珍寶金銀樹木我欲想不欲耶法者無起  
之處起願珍寶是非思想耶百千億佛刹土有起願  
者今復還是無極之想願也舍利弗白如來言寶如  
來時持億萬種華來各各異色豈非想耶如來語舍  
利弗是無形之華但以華作法器授之耳諸菩薩以  
華所竹園中者悉以法授之不於中願生持華爲王  
不於華中生也如來語舍利弗若初見佛形像不舍  
利弗言見之人悉爲佛像作禮其佛威神無有不歸

之者其中有道威神無舍利弗言威神在何所如來  
言亦不在像中亦不離於像但有想者言有威神耳  
觀之了無威神願者譬如忉利天上有樹名拘耆而  
華熾盛諸天莫不愛樂者菩薩以法爲一切諸可意  
王作眼目耳道者俱無但以意作器耳舍利弗言意  
者獨有主耶如來言意者與諸法合諸法與意合道  
者無主但以無起作主耳是故爲法器如來語舍利  
弗若見化未舍利弗言見之如來言化道徑在何所  
去來到何許從何所來有道路無舍利弗言化無有  
道徑何知爲化舍利弗言但見化成時了不見本末  
故呼之爲化耳如來化無所有舍利弗言見者不見  
到見耶舍利弗白如來言無所見何等爲見者如來  
答言諸想如化是爲未起法如化是爲見未來法無  
有名是爲見無造法是爲見未作法是爲見無有造  
化者是故見但作無名之想是爲見但作無造之化  
是爲見舍利弗當云何於是見中爲有往來無如來  
答言故無往來者故爲是見設使有往來者是不爲  
是見是爲到見耳如來見事

寶如來三昧經卷上

音釋

0 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

瓊瑤

瓊古孝切 琉力各  
切 瓊瑤猶瓔珞也

銚鑕

銚餘招切 燒器也  
鑕戶萌切 大鐘也

吳江居士吳瑞徵施資刻此

寶如來三昧經上卷祈  
先考霽宇府君先妣凌氏生妣黃氏冥福  
恩水沙門可震對長洲丘義民書上元李眉刻  
萬曆甲辰孟春月徑山寂照庵識

寶如來三昧經卷下

東晉西域三藏祇多蜜譯

舍利弗問如來言乃有斷法輪者無如來答舍利弗  
言菩薩若已見無形之門是爲已斷輪門已空可缺  
其脫無脫者可致於空譬若空無所不入何以故都  
無有處用是故無所不入用脫於本故其輪不轉故  
曇摩竭菩薩白如來菩薩言諸新學者摩訶薩我欲  
令得是法定如來答曇摩竭菩薩言欲得是三昧者  
當行九法何等九法一者當定十方天下人悉令作  
菩薩二者見諸惡意令心了不起是爲定三者視五

道勤苦悉欲得脫之是爲定四者癡塗於其中不起  
吾我是爲定意五者視諸冥悉令明是爲定意六者  
所作功德悉令不失是爲定七者視十方天下人皆  
令爲等是爲定意八者觀當來過去諸可意王勿令  
復使有作之識是爲定九者悉使千億佛刹土人悉  
不動轉者是爲定意菩薩從是疾得三昧彌勒菩薩  
問如來言今日敢來在會者何所菩薩不發阿耨多  
羅三耶三菩心佛語彌勒往昔沙樓陀佛時我初發  
意學悉爲衆垢所蓋不得大慧但聞菩薩謂發意當  
至其處起想識空不得善知識不逮漚恕拘舍羅遠

離善知識爲欲王所欺可意王斷如是令我失波羅  
蜜失意從六十二劫後與法自然佛會斷我諸可便  
得還本卽得樂於空中住斷諸可根卽見慧門使得  
無動之形從是轉行使斷法輪是時從正覺受是三  
昧雖六十二劫發意於法無益復後與自然法佛會  
便得大樹更初發意我發意時有九十億人善男子  
善女人亦初發意如是爲阿耨多羅三耶三菩心彌  
勒自謂如來發意有幾事如來言有九法何等爲九  
一者遠離衆會寂然二者得善知識從受法不失三  
者遠惡知識四者當遠離五事一者惡沙門二者婆

1 2 3 4 5 6 7 8 9 210

1 2 3 4 5 6 7 8 9 210

經  
卷之二十一

羅門三者黃門四者惡牛惡馬惡蛇多毒不當與從事未得道頃令人入泥犁中當遠離之五者初發意求羅漢辟支佛心者當遠之五者當覺衆魔事不當與共事也六者但當於夢見說深法士者但爲法發意不在飯八者不當數聚會有所希望人飯食九者當等心於十方當等心於三昧於佛坐不恐怖是爲菩薩九法發意佛現寶如來三昧時有六萬諸愛欲天子皆得是三昧是時空中飛天悉共善之快哉愛欲天子得聞是三昧彌勒白佛言是諸天子得是三昧巍巍尊自是其王發意持佛威神耶佛言是諸天

子前後供養舍利大須彌山無益於泥洹令得是三昧前功德悉滅壞所以者何三昧無名處三昧無想處三昧無念處三昧無形處三昧無識處三昧無成神處三昧無有結行求脫處三昧清淨處三昧是不到彼彼至是處三昧無有是想非想處三昧無有造作處三昧於化無形處三昧無生死不斷無處但有名耳三昧但有響耳三昧但有音耳三昧但有開慧之處慧無所生處三昧無作器處是故三昧不可壞滅如是處三昧無出入治處三昧亦無作識處三昧無有起行處三昧不受衆味受處三昧無形處三昧

1 2 3 4 5 6 7 8 9 20

1 2 3 4 5 6 7 8 9 20

寶文外三所經卷

無出入欲處三昧不定諸法處三昧無生處三昧無應處三昧寂然處三昧無動處三昧無邊幅處是三昧不可壞敗若有壞敗三昧是大癡根生之門也故不壞敗如來語舍利弗言有五不直不當與從事何等爲五一者不當處法有二二者不當於所起三者不當視諸法是作非作無有名之者四者不當於當來過去有所見五者諸法不可斷是爲五法菩薩摩訶薩得無去來之作者疾可發阿耨多羅三耶三菩提須菩提白佛言若有於苦於樂者不言離苦樂是即爲二法不字爲菩薩菩薩者不中離不止離不脫離中無所離於所作遠無作之爲作所起如幻耳以幻說幻之中無名如是亦不從法得度者亦不離法得度脫者於脫中復脫是爲無有王者但有住名耳於字無知名者是爲法輪斷舍利弗法輪自本清淨無所有誰有斷法輪者如來語舍利弗言不知輪有處者是即爲斷佛語如來言貪可法者是生死根滅法者亦爲無結之作也無作之作是爲不離作離貪諸可即爲無有斷者無貪不起卽道無可無不可是卽道無生不生是卽道無識不識是卽道無死不死是卽道無斷不斷是卽道無遠不遠是卽道諸可不

1 2 3 4 5 6 7 8 9 20

經

寶教苑三昧經卷第

四

方十一

可是卽道所住無想離於無想是卽道所念無念是  
卽道所說無所說是卽道泥洹無滅離於無滅是卽  
道泥洹無形離於無形是卽道泥曰滅盡無所盡是  
卽道法自寂然離於寂然諸法無可不有所失是卽  
道於慧離本是卽道非名非想是卽道所明無所明  
是卽道於明冥無相知者是卽道癡慧無相入者是  
卽道於道無有得道者是卽道若苦若樂無想識者  
是卽道所起無所想想是卽道於清無難易是卽道  
所度無有主是卽道所至無想者是卽道諸法非名  
離於非名是卽道菩薩所度如流水是卽道於名無  
轉者是卽道佛已三昧成度如入意已萬物自莊嚴  
但莊嚴無形耳但莊嚴倒見耳但莊嚴諸可意王但  
莊嚴是想非想耳如來問事竟文殊師利菩薩白佛  
言三十六天人悉會者乃有幾人持受是三昧佛語  
文殊師利菩薩言諸會者非但天人敢來會者悉得  
今日會時諸菩薩聞佛授與剃八十億諸天及人悉  
得無所從生法住虛空中去地三百丈觀身上萬千  
億香華下爲正覺作禮阿樓菩薩阿提菩薩從座起  
白佛是諸授剃菩薩卽住虛空中去地三百丈觀身

1 2 3 4 5 6 7 8 9 210

1 2 3 4 5 6 7 8 9 210

1 2 3 4 5 6 7 8 9 210

綱  
寶文苑三昧經卷

五

上華好妙是華從何所來佛言菩薩譬青本青本自白以雜色著之隨青黃赤黑悉見其色如是所已諸色悉現者但用帛本淨故但用青黃赤黑本亦復淨故現於色亦不入帛帛亦不入色但用本俱淨故現之色耳諸得莉菩薩觀身上雜種華者亦如是菩薩亦不在華華亦不在菩薩許但諸天及人得斷無念法慧作明淨故便有華現耳用華淨故便現耳如是無住者而成諸功德有住想行者開生死之門阿羅漢辟支佛所以由遠五道者但有十見何等十見一者見諸功德悉言脫者是爲倒見二者見五道勤苦

欲取泥洹是爲倒見三者見厭萬物無主欲疾離之是爲倒見四者求安本自無本是爲倒見五者欲出無間入無處世自無出求之不止是爲倒見六者羅漢不取泥洹時身中火自出火無處起想出身中火自燒者故知生死不斷是爲倒見七者未自無盡是故爲倒見八者但欲時欲於泥洹盡之成惡亦無主反欲滅之是故倒見九者所施與不發十方人意但欲法不斷是倒見十者於苦於樂不等淨行言有二法是故倒見十事倒見佛語阿惟阿樓菩薩摩提菩薩今諸天及人皆是阿呵耨佛時人也今我悉莉之

1 2 3 4 5 6 7 8 9 210

者亦於六萬佛所受是三昧今故復於我記勗之耳  
却後若干億萬歲我法斷絕是今日會發意當有四  
十萬人持住於法轉不退輪令法不斷絕當護持法  
至使各得佛故法不斷如今日會時是諸發意者若  
干千歲我弟子當共壞我法若惡沙門若男子女人  
須菩提白正覺言何所菩薩以何等行護法令不斷  
絕佛語賢者須菩提諸四十萬菩薩悉住第八已下  
於法無煩苛之想是卽爲已護持法令十方不斷須  
菩提白佛言何等爲壞法者願天中天解之佛言須  
菩提若有諸羅漢辟支佛若有沙門諸天及人起想

煩苛於慧求名壞滅本末增減尊法祇夜經言但好  
飯食爲是道遂不知空何所是空但欲莊嚴刹土非  
尊法者聞佛可得求佛亦不知法言有二法是爲壞  
敗我法天上尊天阿須夷天潘那天子樓尼天拘屬  
提天施天那利天諸天白天中天言乞持形壽歸是  
持法法者千萬劫億萬劫無有休息時但令我等得  
是三昧佛言奉行是三昧如其未者便是佛語如來  
言後有發意行是三昧者得是三昧者譬如精泥洹  
天上有寶諸寶中王天上天下寶中最尊有佛在世  
時乃現耳名精泥洹珠有得是一寶珠持是珠著竹

印 1 2 3 4 5 6 7 8 9 210

1 2 3 4 5 6 7 8 9 210

上若著手中見之四面空中在欲得幾日雨珠寶向  
莫不得如其願者有得精泥洹珠者不當貪有亦持  
雨三界各令得寶如是行是三昧亦如是羅閱國王  
從諸羣臣到佛所爲佛作禮白佛言是天上之大尊  
儻加大恩已度脫十方儻持天上精泥洹珠寶儻已  
雨於羅閱令我國中人民悉得是寶佛便笑阿難正  
衣服爲佛作禮白佛言佛不妄笑旣笑當有意佛語  
阿難羅閱國王從諸羣臣欲乞得泥洹天上珠寶精  
泥洹珠欲使雨之於羅閱國國中亦樂是寶不知如  
來時悉已得是寶佛語羅閱王言見人民悉百日不  
食五味但以法爲味女人悉化爲男子王見之不王  
言見之悉得是三昧王大歡喜悉以身上珠寶以散  
佛上及諸菩薩上珠寶悉化成華香虛空中住皆成  
行其間悉有百千種音樂相娛樂王見衣服如是王  
便歡喜王若干百日復不食王白佛言是諸華乃從  
無處出生佛答從無處出復問無處從何出生佛言  
從無所起來王復問無所起從何所來佛言從無所  
生來王復問無所生從何所來從不動來王復問不  
動從何所來從無造來王復問無造從何所來佛言  
從無名來無名從何所來從無生來無生從何所來

從無音來王復問無音從何所來從無二來王復問無二從何所來從無形來王復問無形從何所來佛言從自然來王復問自然從何所來從化來王復問化從何來佛言離於不化來王復問離於不化從何來佛言離於不化從無相知處來王復問無相知處從何來佛言以故爲諸法王問佛事大歡喜晝夜百日但樂是三昧王爲佛作禮而還坐白佛言如來菩薩及遠方諸菩薩尊賢者皆從遠來今恐與佛相見則去我今願乞請文殊如來菩薩等到舍飯食願如來許之佛默然無應者卽可憇王爲佛作禮還宮卽

勅臣下疾使國中莊嚴挾道華香皆結好名華挾道悉華爲帳王宮中掃除世間極好華香悉作百種座皆瑠璃金銀皆使宮中掃除諸夫人媛女悉齋戒文殊師利如來等悉詣羅閱國入城未到宮門王出迎諸菩薩是時菩薩如來文殊師利等六十億萬人如來讓使在前入宮諸尊菩薩不於前入宮如來言諸尊菩薩何以故不於前入宮諸尊菩薩致尊當於前入如來言我不於前入宮諸尊菩薩當入諸菩薩言何所爲尊者於慧無處是卽尊於意無形是故尊於念不想是故尊於法無所施是故尊所作不離於道是

故尊已斷法輪是故尊無念法不想是故尊於法無  
有多少是故尊欲漚懃拘舍羅甚多是故尊於薩芸  
若無相知者是故尊已被法鎧是故尊於三昧無有  
多少是故尊如是者如來故當於前入宮也如來諸  
菩薩故尊何等爲尊年故尊故諸菩薩言我今年雖  
長尊者譬如萬歲之枯死樹根本以永盡無復有華  
實可蔭覆蓋世者今如來雖年少者入慧甚深譬如  
寶樹間人得之華實莫不得度者以故當於前入宮  
如來於前入諸尊天持萬種音樂隨如樂之文殊師  
利及如來等各坐王使夫人刹修諸菩薩所食金

悉有八種味出宮中燒萬種雜香飯食竟王白文殊  
師利及如來言我今欲得見十方佛大會時當以何  
致之如來言欲得見十方佛會者悉欲見衆慧者但  
行九法何等爲九一者當視十方佛與是無異二者  
當視我所道無有道徑三者當觀一切人無有脫者  
四者當視飯食如化所見五者當知五陰無有識想  
六者當知六情觀之如幻耳七者當知觀但是倒見  
八者當於法中大施與九者當知所施非施王聞如  
來解之大歡喜却坐佛爾時便在彼歎言快哉快哉  
如來爲說偈言

常當願是劫 所生常遇尊 從受大智慧  
 常除愛欲根 不貪亦不疾 惡意不復生  
 乃從無數佛 得聞是三昧 及於三千刹  
 常行尊三昧 不於一切人 所有諸珍寶  
 法不從五陰 亦不離是處 從觀得脫名  
 一切皆如是 從觀得歡喜 發意無所至  
 其處已如是 故爲天中天 若在三界中  
 不生亦不死 泥洹及泥曰 一切無有是  
 意不當邪念 所行作非法 若在三界中  
 持心令不起 音響有還答 內外悉相應

不起悉寂然 諸法亦如是 三千諸佛刹  
 名字悉如是 無聞亦無見 非法所當議  
 三昧不校計 已數持作多 慧者解是言  
 得佛無常處 法者悉清淨 廣大無有雙  
 常作無邊水 所載數三千 意願陀隣尼  
 發慧無有前 法者已如是 一切當奉行  
 我念求意時 從來若干劫 志意常棄家  
 於欲無所求 常依善知識 得立正法住  
 是時於大會 得聞尊三昧 志意大歡喜  
 卽住虛空中 去地百四十丈 又手在佛邊

經

寶光大藏經卷第

大

今坐諸菩薩 受刹亦如是 其意增歡喜  
 得聞諸三昧 便從一佛刹 飛到諸佛前  
 不動亦不搖 驚動諸刹中 華香自然來  
 亂風自然生 百種諸音樂 悉住於座中  
 龍王大歡喜 卽雨萬種香 化爲諸水池  
 上到三千中

如來謂文殊師利菩薩言今自然華香從三千刹土  
 來到是會音樂悉具足是爲佛威神如來之神足文  
 殊師利菩薩語如來言卿欲知佛之威神及諸菩薩  
 威神者不可見知是樂者所處無名之樂有所在處  
 法音無名處若苦若樂是樂處所見如化耳是其樂  
 法無二法是其樂於羅漢辟支佛悉欲度之是其樂  
 所見五道悉欲令得佛是其樂諸所度無有生是其樂  
 一切無處無所起是其樂於三昧無煩苛是其樂  
 一切處無有名是其樂諸所有皆如化是其樂非音  
 樂當來過去現在三處盡無有盡是其樂令還本無  
 所見是其樂見法輪是爲無所見是其樂三千刹一  
 切等是其樂十方三千樹法之藏是其樂十方諸刹

但有名是其樂色欲合是其樂於名字無有生是其樂無邊幅一切寂是其樂一切明與冥合是其樂諸所行不失戒是其樂諸所念不離三昧是其樂虛空寶度無極是其樂諸慧覺無有處是其樂諸所可見其樂一切決無受者是其樂三界中無與等是其樂貪於法不惜命是其樂一切明合復明是其樂諸所有但倒見是其樂若布施無所望是其樂意無極作大船師是其樂無邊圓脫無極是其樂意寂是其樂無所定是其樂諸三昧門無到者是其樂亦無聽亦無聞是其樂諸所念非正道是其樂一切人無極者便說偈言

是其樂諸所度譬如幻是其樂初發意三昧具是其樂諸菩薩所從來無有處是其樂諸菩薩在意生到十方是其樂非青黃及白黑無道徑是其樂文殊師利菩薩謂如來欲知佛及諸菩薩威神及所樂其諸所樂如是文殊師利答如來菩薩所問樂五事如來便說偈言

文殊師利意 慧尊無有前 所施蔽三千  
其智莫不尊 威神所施行 悉除三千中  
諸樂無所欲 但爲不奪施 樂法最爲大  
於化無度者 所施樂法與 若空無惡者

經

法與樂俱行 無有過是寶 所樂不有王

若空無處所 深入諸微妙 曉了一切人

使之得大法 斷滅勤苦根 一切世間人

悉有意不解 以法爲覺意 以慧救一切

### 佛是時說偈言

離空非想 是想非空 於法不起

卽爲是起 常當輕意 淨無所有

色欲同合

無相入者

所說無形

不離形有

同法如夢

所欲無底

是寂離寂

無離不造

衆法無主

所可如化

都無所受

法無所捨

所作倒見

一切皆然

非色離色

是色不離

其法如色

其處如是

非音是響

無聞不見

不聽不觀

所有如是

於化無名

自言爲是

法無是計

所度如是

於幻無見

所見離見

離貪者欲

非法所議

於欲無垢

不著無離

如是諦見

無有見者

如來菩薩知佛笑便於宮中說偈言

經

卷一

十四

疑本不解

謂法自然

本無常住

疑慧無是

於想無勞

識念無苦

不還不是

所可無可

遠離無可

於生無滅

是卽爲滅

於義無想

是爲非滅

於法無生

亦非想滅

所以者何

衆法皆空

亦不求言

我離泥洹

所以者何

本末淨故

不盡十方

舉之爲證

有言是我

是卽是證

不當遠念

念於十方

真法不煩

是受無名

法非思念

可當還者

起行如是

不見尊法

要當解慧

於眇不恐

漫行不至

可謂慧門

如來問文殊師利菩薩言今日來會新發意者我欲使得無極法何以致之文殊師利語如來言於念無作即可得無極法如來復問何等爲無念作者文殊師利告如來當建九法寶何等爲九法寶一者意無處所是卽寶二者觀法無主是卽寶三者不見有當來過去是卽寶四者於法無有造作者是卽寶五者

123456789

20

20

20

所施但施法音是卽寶六者見五道勤苦於中意不轉是卽寶七者所覺不遠漚懃拘舍羅是卽寶八者直見諸法不處有二法是卽寶九者到於泥洹亦如化是卽寶如來語舍利弗言是爲九法寶文殊師利菩薩說偈言

於可無所笑 所作無常名 若空無有垢  
 佛笑無不可 笑空不離末 如本無所笑  
 已住諸法名 一切皆如笑 本末皆自然  
 無有往來者 笑者有還報 不還亦不笑  
 法者皆是一 已笑便有二 於二無名字

是故爲是尊 所笑無所可 但爲衆法施  
 所動無所動 是故無上尊

文殊師利報如來偈

笑者無還報 一切無有主 其笑不離本  
 是故天中天 笑者無所起 但爲倒見耳  
 於法悉寂然 寂然本無是 笑者不離化  
 以化大施與 於化無舉名 是故乃爲法  
 於法無有是 但爲不脫施 已脫不爲脫  
 佛者皆如是 故於大會中 議度無度者  
 於法作施與 無有與比者

是寂離寂 無離不造 衆法無主

所向如化

舍利弗復問如來言欲使十方發意陀隣尼行者當行何等法當行三十二法寶何等爲三十二寶者文殊師利言一法寶者欲使十方未發意皆度之如化二法寶者未發阿耨多羅三耶三菩者皆令住正法三法寶者欲使三千大千日月視之一切等四法寶者若在住意者皆令遠離衆欲在慧門無動無搖至於泥洹五法寶者人說有天無天志不動還六法寶者意不動還七法寶者一切無來受生者觀當來過

去無有二八法寶者觀諸三昧禪寂然無處所九法寶者諸所度無有王一切從空引空十法寶者三千日月諸佛者我從得決十一法寶者十方諸佛三千年月敢有來聽經者悉得佛剃卽住虛空中亦如是十二法寶者諸佛刹土華香自然來繪蓋來者亦不喜不來者亦不求十三法寶者皆使敢有發意使得法住如其處十四法寶者當來過去無增減所以者何知本無二故十五法寶者悉欲使十方蜎飛蠕動持佛經戒令不毀傷十六法寶者無有邪念在於十方轉意還本則向慧門十七法寶者常行忍辱十八

1 2 3 4 5 6 7 8 9

20 21 22 23 24 25 26 27 28 29 30

31 32 33 34 35 36 37 38 39 40

41 42 43 44 45 46 47 48 49 50

法寶者從觀至觀無有度者十九法寶者本住無常  
住處如是無常住處二十法寶者所度無有主名空  
爲衆欲施於欲無常處是故爲道二十一法寶者施  
慧作施與無有舉名者於欲無所可但爲脫耳二十  
二法寶者所說不離對因作施與故因大法故獲度  
無脫者二十三法寶者常於無數佛刹飛到一佛前  
二十四法寶者十方諸刹等無得脫者二十五法寶  
者淨癡同合本淨無異二十六法寶者住於三千住  
作橋梁故是進學如冥見光明二十七法寶者常於  
無邊水廣作大船師所度無有極二十八法寶者常

作無邊蓋閉塞三千垢二十九法寶者常作無極慧  
不離十方三十法寶者常作大慈動於十方未度悉  
度之未脫悉脫之故無字爲天中天三十一法寶者  
等行無有雙於無有及與人字爲無上尊發意平等  
是故爲佛三十二法寶者如來爲是尊所說不離法  
遍聞三千刹中虛空爲自然王故立華香中菩薩三  
十二法寶如是

十方都大化 一切名無常 真法不煩苛

卽說度十方 有想不離想

若華及於葉 其色不可當 一切衆欲所

立之可意王 諸寶無上尊 號爲天中天  
故於大會中 議度無脫者 其本無常住  
故字十方尊 一切爲倒見 世間謂之真  
所可若如化 能服十方中 處空無常處  
佛藏悉在中 已脫無脫者 故教十方中  
十方諸佛刹 合之爲一國 自然衆大會  
悉滿十方中 佛者一切覺 笑不離其容  
不離黃金色 已示不脫人 十方爲作導  
意不離法王 所施無所施 華布於十方  
金色大蓮華 周遍滿刹中 起想起作行

不住諸天中 文殊師利意 曠大無有雙  
譬如初得荊 住在虛空中 如來慧意尊  
光明遍宮中 可意諸天人 悉得到法門  
十方諸菩薩 驚動諸刹中 今會諸天子  
得聞是尊經 徹見諸一切 乃到可意宮  
化爲交露座 萬種天華香 聽受諸三昧  
坐觀大衆中 諸來宿功德 發意供養尊  
尊者不真見 所有皆如是 諸脫無有數  
三界不可極

文殊師利菩薩問如來菩薩言衆音如化所作於法

0 1 2 3 4 5 6 7 8 9

20 1 2 3 4 5 6 7 8 9

無想亦不可盡極故有自然當以何別之如來菩薩語文殊師利菩薩言復有九法寶何等爲九法寶一法寶者自然無處亦如化二法寶者諸法無處亦如化三法寶者當來無處亦如化四法寶者諸所有皆世直處亦如化五法寶者觀過去處亦如化六法寶者觀見諸法如幻耳亦無有處亦如化七法寶者所可無處亦如化八法寶者得道無脫處亦如化九法寶者得於泥洹本無住處亦如化文殊師利復問如來過於泥洹皆自然誰爲是化本者誰是化主者化爲有本無化爲所起處無非道無處如來菩薩謂文

殊師利復有九法一者化無處化者非道無處是卽化二者非處無想是卽化三法寶者非起化爲作處是卽化四法寶者非常名所有無盡時是卽化五法寶者化處無處是卽化六法寶者於道無想是卽化七法寶者於起無起是卽化八法寶者於諸欲無諸欲處是卽化九法寶者於所度無所度是卽化文殊師利菩薩說偈答如來

十方無化者 化化無有形 一切無常寶  
是故爲化生 道者不化得 亦不離其處  
所說無常形 自然在其處 諸法從化得

本離從無有 其本因化生 是故人中尊  
 欲者從化起 法本無有是 化而住五道  
 無有見化生 死生及五道 與化不相連  
 以世貪不斷 故現正覺身 如來及化主  
 十方尊無極 持化大施世 世間無知者  
 法輪無色轉 於世無轉者 繫色有思想  
 深法無轉者 想色化十方 莫不受法者  
 所施大智慧 世間無聽者 諸欲及羅漢  
 不還與是寶 故於衆會中 度脫無上寶  
 智慧不可極 光明最無有 十方作橋梁

所說無有二 十方諸佛刹 悉令爲平等  
 亦不使其人 發意有異心 十方諸法國  
 一切住脫垢 亦不從世間 於法無奪者  
 皆於慧無有脫 不見往來者 於寂復是寂  
 無昧明中復見明 法者非慧得 自然無本是  
 賢一慧冥俱同合 都無相識者 癡慧不同合  
 其慧衆冥明 所施但爲法 若華在高山  
 諸惡不可極 色欲不可盡 泥洹及生死  
 一切皆如是 十方諸佛慧 無知無覺者  
 所已見淨法 故言世無有

曇摩竭菩薩復問如來菩薩言於化無起離於誰成  
 王者泥洹不生滅不遠五道當使來發意轉住法輪  
 無諸垢令悉不生誰爲度者如來言曇摩竭所問欲  
 決斷十方生死根乃如是當行九法寶何等爲九法  
 寶一者於無王是卽寶二法寶者於泥洹與生死初  
 無相知者是卽寶三法寶者於生無生於滅無滅是  
 卽寶四法寶者上到三十六天子還生無生處是  
 卽寶五法寶者當起意未起意如處住是卽寶六法  
 寶者三千大千佛刹觀了無得度者是卽寶七法寶  
 者於念無起處是卽寶八法寶者悉便三千佛刹悉

取泥洹意亦不喜不取泥洹者意亦不怒所以者何  
 諸法無處故是卽寶九法寶者隨願取羅漢我悉令  
 發意求願者不令復還是願是卽爲寶不起諸生無  
 有還願是爲菩薩法寶如來答曇摩竭菩薩說偈言  
 於可無所可 於欲無所欲 所度無見者  
 法輪無常處 慧者無所說 因度無往者  
 故見大正法 世之最無有 道者無常名  
 故爲十方寶 已得無得者 生死無有道  
 四馬不可盡 可意無有足 世間悉樂者  
 不捨不得道 畏生無有脫 不畏無脫者

生死當舉名、立之爲五道、有報無答者、可謂爲是法、法者本無二、所謂諦已覺、無邊亦無幅、無極不可計、本際如影響、無有往來者、於起無所起、法無諸欲者、生死本無處、生死化如是、於淨無有淨、於垢無有垢、悉爲十方人、斷絕諸五道、淨意若如水、一切無瑕垢、青黃及白黑、悉得見其形、諸法不可荷、卽得無上寶、吾我及與人、世間無得者、無住無住諦、所有諦如是、所覺覺無所見、世間諦如是

無度無不度、世持誰不一有、十方立正覺

悉得<sub>天人等</sub>無上寶

曇摩<sub>如日月</sub>菩薩問如來言欲使十方自然諸天人民皆令得如其處當行六法寶何等六法寶一者聞知是會時是卽寶二法寶者諸來會者得聞是經是卽寶三法寶者非今功德是卽寶四法寶者敢問是經法已得六萬三昧但欲使十方人發無上意是卽寶五法寶者皆使十方會於佛樹下是卽寶六法寶者佛所說經法使十方人悉令得之是卽寶說是三昧時會中有九十億萬菩薩諸天人民有六十七億萬人

D1

2

3

4

5

6

7

8

9

200

1

2

3

4

5

6

7

8

9

皆得無所從生法處當是時人凡有六十大藏書人  
昧三千大千佛刹土復卽九反五道寶珠是天諸天諸王  
在虛空中亂風音樂樂佛諸大龍王諸阿須倫皆  
得見是法阿難正衣服頭面著地叉手爲佛作禮白  
佛言是經名爲何等經我當云何奉行之佛言阿難  
是名爲諸刹無極園自然華香自然號爲會無極寶  
說是經時無數諸天人民阿須倫人非人聞經皆大  
歡喜各前爲佛作禮而去

寶如來三昧經卷下

音釋

五